

瘍

醫

大

全

瘍醫大全目錄

卷三十

痘疹部

論痘瘡根源

面部先見報痘八卦方位圖說

面部八卦圖

八卦見標生死訣

先天八卦面部神斷訣

頭面部圖訣

風雲雷雨電圖訣

元亨利貞天五部位訣吉凶

五臟部位訣吉凶

八卦生尅預知生死訣

看手神驗圖

看腳掌神驗圖

驗痘出稠密吉凶訣

看痘預知五經判斷吉凶

邵先生看耳筋秘法

見標之時一看預定吉凶

馮氏小兒面部見點吉凶之圖說

三關兩煞五軸

經穴部位諸痘所主

五門八樞

初見標面部八卦占斷吉凶法

馮氏總論痘要歌括

痘前十八犯

異痘須知

五種痘

異痘諸名

九不識

五禁瘡

邵公看痘分五色歌

驗苗訣

邵公有痘分五形訣

邵公看痘分惡五色歌

邵公看痘分惡五形訣

邵公看痘秘訣

邵公定痘有可治不可治訣

邵公痘科始終要訣

驗初發熱時吉凶斷訣

羅田萬密齋碎金賦

瘍醫大全卷三十一

燕湖顧世澄練江氏纂輯

增錢之恒東陽  
男 德燮用和 仝校

痘疹部

自發熱報痘灌漿起脹收靨以及面耳部位預知順逆諸家秘而不傳之術秘法俱彙於此部中以便檢閱參治

論痘瘡根源

朱純嘏曰粵稽上古之世未聞痘瘡之說亦無治痘之書卽素問集中並無隻字言及於痘非黃帝岐伯以痘爲輕易不詳加問難而無一言以及之耶蓋三皇五帝之時天清地寧民淳俗樸虛邪苛毒無由而生及至漢時建武年間征邊徼毒軍中遂生此疾其說出於萬密齋痘疹心要查建武二十五年征武陵蠻伏波軍次下雋從壺頭進兵會甚暑士卒疫死大半援亦中病卒於軍史乃以疫書



之意者其痘乎然傳之年久姑存以俟後之考正  
總之當日不知是何病症因其生長收藏尖圓紅  
潤有似於荳故名之爲痘後此班師毒氣傳入中  
國諸家計議調治皆據內經諸痛癢瘡瘍皆屬心  
火之一言爲治痘之要領殊不知痘瘡與諸瘡相  
隔天壤諸瘡之症未成形可解毒可內消已成形  
可攻破旣破可生肌如痘不可解毒也不可內消  
也不可攻破也自發熱三日之後始見痘苗放苗  
之後又三日而出齊出齊之後次第長漿上由而

部次及身上再則脹及脚下務期稠膿充滿徐徐  
回水結痂大約於一十二日之中收其成功自發  
熱造端卽以熱之輕重報痘之緩急便知痘之疎  
密看報痘之部位便知痘之吉凶看痘粒之形色  
便知痘之虛實至於起脹灌漿計時限日觀形察  
色分別虛實寒熱用藥調治以爲灌漿之計失此  
不治竟不成漿雖有妙劑仙丹不能保其不死久  
吾聶氏曰痘之生死判於漿之有無有漿毒從外  
散故生無漿毒留內攻故死膿漿旣成結痂又厚

色又蒼蠟此順證也總之痘瘡不與諸瘡同治卽  
屬心火之一言於痘原無干涉也前代劉河間錢  
仲陽立方俱以解毒爲主多用寒涼少用溫補張  
潔古王海藏咸宗之揆其意俱本於屬心火之一  
言而以寒涼瀉火也迨至陳文中力矯其偏專主  
溫補宜於虛寒未必宜於實熱至朱丹溪立論又  
矯陳氏之偏而取錢氏之長主於解毒和中安表  
其失亦起於拘泥內經屬心火之一言也近如黃  
西邱著順險逆三圖順症不須用藥險症有藥治

之若逆症雖勉強用藥斷不得活曾立逆症圖三十條予每看痘症逐年經見實有一十三圖果係不可活之症無再生之望雖細心極力變方設法亦不能出西邱範圍之外其餘一十七症亦曾用藥救活因以揭逆症一十三條分列於後以廣後學之見聞他如保赤全書舛謬甚多至於證治準繩係王肯堂先生居高位之暇念及斯世之男女大小身染沉痾不能起死回生延各大小方脉內外全科校訂方書取名證治準繩以脩後學參考

可謂詳悉大有功於世獨於痘科悖謬之極或假手於庸醫亦未可定他如金鏡錄痘科正宗痘疹心要痘疹會編等書豈止數十家非無一節之長一論之是一方之妙然皆擇焉而不精語焉而不詳兼之各家痘書流傳年久不惟深山窮谷之中卽各省名邦以及都城輦轂之下凡諸名醫不肯細心究竟辨別是非無不以昔年之痘書爲今日之秘訣不知有清江久吾聶氏名尚恒者生於隆慶末年萬歷年間以鄉進士出知福建汀州府寧

化縣事卓有政聲惜當時以儒宦顯不列名於醫  
林故其姓字不傳於今世岐黃之口卽著有活幼  
心法一書亦不傳於今世岐黃之家要知天地氣  
化生聶氏於豫章之清江非爲此一隅之幼兒女  
起見將令普天之下後世之人提撕警覺救斯世  
之赤子而令安全於襁褓中也今予獨知久吾聶  
氏集痘疹之大成開幼科之法眼識論精辨證確  
用藥當不偏於寒涼亦不偏於溫補深得中和之  
理合宜之用無過不及之差假生也晚不獲親炙

門牆恭承面諭幸得活幼心法而熟讀之沉潛玩  
味藟葛三更一旦恍然若有心領神會頓將前此  
之舊聞洗滌淨盡心胸之茅塞剪鋤豁開又恐天  
下之大萬方之衆不能週知歲久年深終成湮沒  
今特表而出之凡業幼科者必當熟讀活幼心法  
反覆究竟自然得心應手

痘疹定論

又云易曰大哉乾元萬物資始又曰至哉坤元萬物  
資生夫乾爲父資始者氣之始也坤爲母資生者  
形之始也人之有生受氣於父成形於母是父精

母血之毒已凝聚於陽施陰受之始是胎元之初  
成卽胎毒之蘊蓄故名之曰胎毒夫所謂胎毒者  
不論富貴貧賤俱皆有之豈待成胎之後歸咎於  
慾火妄動飲食不節降生之頃嚙其血而後有是  
毒耶雖然天地有非常之氣卽有非常之令或於  
春而不溫和或於夏而不炎熱或於秋而不清涼  
或於冬而不凜冽四時之正氣失序兩間之雜氣  
交攻夫然後五臟之邪氣內侵命門之胎毒外透  
痘疹從此而發矣

痘疹原於胎毒論



又曰痘出五臟疹出六腑前哲言之不究其本後學傳之不窮其源以致以訛傳訛干有餘年習爲成語誰知辨其非者今特表而出之非無徵而敢云然也人之有生受氣於父成形於母當陽施陰受之始三五之精妙合而凝乾道成男坤道成女在胎之內先有命門猶混沌未分先有太極命門人身之太極也自其凝而成形言之先有命門則父精母血之毒藏於命門真且確矣外形則先長鼻故今人稱始祖爲鼻祖內如五臟六腑外如百骸

九竅俱從此逐日逐月漸次生長故胎有十月之期而始生育惟命門凝成於有形之初則胎毒亦蘊蓄於有形之始命門卽太極也兩腎兩儀也天一生水地六成之坎中之一陽命門也坎上下之二陰列於兩傍兩腎也今人以右腎爲命門不能致知格物也兩腎列於命門之兩傍是太極生兩儀也地二生火生心也天三生木生肝也地四生金生肺也天五生土生脾也然止能成物不能生物今日地二生火地四生金似與坤作成物說不

去矣然河圖一二三四五者五行之生數也六七  
八九十者五行之成數也生數五行之發端成數  
五行之結果故人生以十月爲期得天地之成數  
也間有七個月八個月九個月而生者間亦養育  
成人婚配生育是六七八九十者五行之成數也  
明矣然地二生火地四生金天包羅於地之外其  
氣常行乎地之中非地之孤陰能生火與金也得  
天之氣貫於其中而生火生金實由天地絪縕陰  
陽配合而生此水火木金土也或問之曰子言胎

毒藏於命門固言之有理而心肝脾肺腎可不必復言矣卽應之曰是何言也命門體也五臟用也相須而生成也鼻之氣通乎肺如遇痘疹之氣鼻聞其氣則傳於肺金傳腎水腎水傳肝木肝木傳心火心火傳脾土一晝一夜隨天運轉一周天次日早脾土復傳肺金肺再傳於腎腎再傳於肝肝再傳於心心再傳於脾一晝一夜隨天運又一周天次早又復傳於肺五日五夜將五臟傳遍痘疹之時氣自外而達內命門之胎毒從內而發外至

六日而微熱至七日而身熱大作矣或又問曰子何知之詳且悉也荅曰以種痘而得造化之機緘也自出之痘無形之氣傳染也種出之痘有形之痂引導也若夫自出之疹亦無形之氣傳染也胎毒蘊於命門其中有陰陽之辨別焉命門也人身之太極也太極所以動而陽靜而陰之本體也陰陽互藏於太極之中陽變陰合而生水火木金土胎毒蘊蓄於命門之中亦有所以動而陽靜而陰之本體也陰陽互藏於命門之內感痘之氣化而

出痘感疹之氣化而出疹何也是陰爲痘而陽爲疹也統言之則爲胎毒分言之胎毒之中又有陰陽之各別也當其陽施陰受之始成胎凝結先有命門莫可端倪無可想像命門也胎毒始藏之密處也體也五臟者迎接時氣之傳遞也用也胎毒發出而爲痘則胎毒之靜而陰者盡矣一發不復再發矣若出正痘之後隔三五月或隔半年一載或隔七八年之久如感時氣出疹胎毒發出而爲疹則胎毒之動而陽者亦盡矣所以一出亦不復

再出矣或又問曰命門在何處荅曰脊骨自上大椎數下二十一椎自尾閭尻骨望上數七椎之上從下數一十四椎之下上下相接之界命門之所居也命門居脊骨之前兩腎列於兩傍脂膜護之爲一身之主宰且出痘與疹而腰不痛者順也痘疹初發卽云腰痛命門傷也未可以言吉也故曰一身之主宰也

聶九吾曰痘疹之源有謂兒在胎時食母血穢而致者有謂父母慾火所致者慾火之說出於臆測固

無明據然嘗見孕婦飲食清淡者生子出痘多稀少而平順恣食厚味者生子出痘多稠密而險危則其病源受毒於母胎血穢似有明驗蓋飲食淡則血氣清而胎毒輕飲食厚則血氣濁而胎毒重受毒輕故出痘少受毒重故出痘多若因諸痛癢瘡瘍皆屬心火謂火由慾生致毒因火結故其爲害獨勝於諸瘡此其說亦未爲全非而總之痘毒一胎毒耳惟其爲胎毒則潛伏五臟有觸則發無觸則不發故其發有遲速當其未發時形氣俱泯



無可端倪若未燧之火何處尋覓又何可解釋古  
立預解痘毒諸方若無故而逐寇於通都不近理  
也及其觸而發則勃然不可禦蓋其毒氣發自五  
臟竇動五臟眞氣全賴血氣送毒氣而出之於外  
運化之而成漿收結之而成痂而後臟腑可安若  
血氣送毒氣不出則毒氣反攻臟腑如寇作於都  
城中主者不能操謀奮武逐之於外致令操戈內  
攻安得不危故用藥猶如用兵不可不透此理也

論受病  
之源

又曰治痘之家多矣劉河間悉用寒涼偏害不小至於錢仲陽立方亦以解毒為主而多用寒涼少用溫補張潔古王海藏咸宗之此其意俱本於內經諸瘡瘍屬心火之一言故以寒涼瀉火也厥後陳文中立方力矯其偏專主溫補凡痘瘡已出未出之間諸症悉用十一味木香散南木香大腹皮赤茯苓枳實人參青皮半夏前胡已出之間諸症悉用十二味異功散人參製半夏白朮茯苓當歸陳皮厚朴製附子木香丁香肉桂其意歸重於太陰一經蓋以手太陰肺主皮毛足太陰脾主肌

肉肺金惡寒脾土惡濕故用木香官桂以治肺之  
寒用木附半夏以治脾之濕二方用之得其當其  
效固大然不分寒熱虛實而一槩用之則宜於虛  
寒不宜於實熱其偏害又可知也朱丹溪辨之是  
矣至丹溪立論矯陳氏之偏而取錢氏之長主於  
解毒和中安表似爲的當舉世宗之數百年來無  
敢議其失者予則以爲丹溪治他病多妙論獨於  
治痘則孟浪而未盡其妙儻亦于慮之失乎蓋其  
矯偏於陳氏而不敢輕用木香丁香桂附等熱劑

似乎因噎而廢食懲羹而吹鑿其取長於錢氏而必用芩連牛勞連翹之類以監制參芪歸木等補劑似乎任將而中制用兵而外監也其失亦起於泥內經瘡瘍屬心火之言而未透其理也不知痘瘡雖屬心火却與諸瘡不同諸瘡之毒當其初發而未成形可用藥解散內消而愈及其已形而未成膿又可用藥逐散未成膿而愈痘毒發自五臟必藉血氣送出於皮膚運化之而成膿收結之而成痂而後收全功也可內消而愈乎可未成膿而

愈乎故諸瘡以解毒爲主能解毒於早則輕不能  
解毒於早則重痘瘡以血氣爲主血氣能送毒以  
灌膿結痂則生血氣不能送毒以灌膿結痂則死  
解毒之藥多損氣血不顧血氣之虧損而急於解  
毒是猶不慮我兵之羸弱而急於殺敵也故毒有  
不必解者又有不可解者若小兒稟賦強壯胃氣  
好飲食如常者其血氣自旺自能送毒氣以成功  
其痘自始至終多順症此不必解毒者也若其稟  
賦素弱脾胃又弱出痘時飲食又少或瀉或渴或

腹脹或手足冷或氣短促或失聲痘或出不快或  
根窠不紅活或色白而頂陷或當灌膿不灌膿或  
當結痂不結痂皆由氣血不能送毒氣此不可解  
毒者也當速用溫補以扶胃氣而助血氣若用參  
芪歸朮等而力不及卽加入木香丁香桂附等佐  
之亦不爲過又何可叅入芩連芩翹等涼品以監  
制溫補之力而損血氣乎所謂丹溪未盡其妙者  
此也丹溪又教人用犀角地黃湯以解痘毒後人  
沿其說失其初意相習用之以爲奇妙而不知其

害蓋心者血之主心之所以能主血者以其屬火也痘瘡屬心火正藉心火以運用一身之血而成功豈心火可瀉而去之乎蓋人身之血溫則流行寒則凝滯犀角地黃湯涼心經而瀉心火心經既涼心火既瀉則一身之血氣凝滯不行何以運化痘毒而成膿結痂乎則內攻之患作而竟以告斃者瀉心之藥實殺之而人竟不知也醫亦竟不悟也可慨也故予謂痘已出之後未痂之前凡一切涼心之藥如犀角生地之類姑禁絕不用直待結

痂後用之解餘毒可也或曰若然則未收結之前  
毒俱不可解乎曰奚爲皆不可若其血氣與毒氣  
俱盛者脉必洪數痘或初出卽帶紫黑或旣出而  
稠密紅紫內症則煩悶燥渴少便赤澁大便秘結  
此則屬實熱宜速用清涼之劑以解毒如大便久  
秘者量入酒炒大黃微利之可也若其毒氣雖盛  
而血氣未旺者以解毒爲主而兼活血養氣則參  
芪歸芍之類亦不可離也

又曰近世痘方多宗黃西邱其書自始至終俱分順



逆險而立三圖說其爲順者不必服藥是也謂險者宜以保元湯加減調治猶近理也但謂逆者俱不可治治之徒勞無益是教人袖手待斃矣其言不仁之甚而貽害於世不小也此爲俗醫圖利計則甚便而於救濟生靈之術則甚乖也蓋醫者仁術聖人以之贊化之不及所貴者扶危救困起死迴生耳若治其易治者而棄其難治者則何以醫爲惟俗醫意在圖利又恐壞名見症有不順者輒委棄之彼誠恐利未必得而徒冒不識症之名若

仁人君子當爲之死裏求生豈忍斷其必死而坐視不治故曰西邱之言便於俗醫而非所以濟世也且其所指逆症多端痘瘡稠密者多有之如初熱而驚悸吐瀉報痘而先發於印堂司空天庭等處初出而根窠無暈旣出而色白灰陷或發水泡或癢塌或當行漿而不行漿或痂未落而寒戰咬牙等症皆其圖說所謂逆而不治者予每治之而得生者多矣奈何悉謂治之無益而戒人勿治乎惟初出形如蠶種旣出而紫黑乾枯者難以灌漿

多不可救耳然寧救之而不活不忍坐視而不救也  
折諸家之衷二條

痘症與他症不同自初發熱以至於結痂限日限時  
救困扶危當用之藥宜及時而用如救焚拯溺不  
可緩也蓋痘毒發自五臟實動五臟之真氣其出  
痘多者真氣發洩亦多當此之時人之血氣幾絕  
岌岌乎殆哉如油盡之燈不速爲之增油則燈焰  
熄如風中之燭不速爲之蔽風則燭光滅也特醫  
則不然輕視人命而重視財利其愚而不知用藥

者姑無論已卽稍知用藥者亦不肯及時用藥欲  
因禍大而顯功直待諸惡症出然後乘人父母之  
驚懼而要重利遲延至於血氣已絕不可復續雖  
有對症之藥緩不及事因而悞人性命者多矣嗟  
嗟天地鬼神昭市森列不可欺罔此輩以貪利而  
殺人心術不善豈無幽責豈無冥誅殃必及身必  
及子孫不可逃也此醫家之害而病家不可不知  
也又時醫識見淺陋未諳妙理執泥祖傳舊方不  
知通變遇痘症之輕者猶可動手調治而自以爲

功一遇危險重症便束手無策不能救療甚至治  
一家十人而不活者七八人則以爲痘症原惡而  
不自咎其術之拙病家亦以爲痘症本惡而不歸  
咎醫之拙殊不知痘瘡常數若無甚惡之症而調  
治得宜十可十全間有極惡之症必不可救療者  
十不過一二今治十人而死者七八何惡症之多  
也毋亦術之不精乎予深憫之故不得不爲之著  
論立方也

關時醫之謬

凡治病必先辨虛實寒熱四症望聞問切無非辨此

四者而已四者了然於胸中則用藥取效其應如響四者不能分辨而執成方以用藥鮮有不悞者卽或中病而愈亦幸而偶中也至於痘瘡之虛實寒熱尤爲緊要辨之不明用藥多致敗事何以成功奈何歷代治痘之家著論立方互相異同至於虛實寒熱多畧而不辨或辨而不明致令檢方者漫無下手處竟不知某症屬虛屬實當用某方某症屬實屬熱當用某方則雖有千百妙方千百妙論無益於用也無怪乎自古至今治痘者之多迷

途而慈幼之術疎也且痘瘡之虛實寒熱與諸病之虛實寒熱其異同固自有辨諸病有虛者元氣自虛也宜補也痘瘡有表虛有裏虛亦元氣自虛也宜補也此其相同者也諸病有實者邪氣實也可瀉也痘瘡有表實有裏實此則元氣完固而毒氣不能爲害不可瀉亦不必瀉也此其不同者也諸病有虛之甚者陰有餘陽不足則寒自虛生宜溫熱之劑補之也痘瘡有虛之甚者亦陰有餘陽不足而寒自虛生亦宜溫熱之劑補之也此其相

同者也諸病有寒自外入者外感是也當其在表  
宜發散之久而入裏則鬱而爲熱宜清解之痘出  
而風寒外襲宜溫而散之或外寒入內而爲吐瀉  
諸症亦宜溫之而已外不可汗內不可清解也諸  
病有虛熱者元氣虛津液竭而火從虛中起補之  
而熱自除也不必解熱也痘瘡亦有虛熱者元氣  
虛而毒氣肆也當以補元氣爲主而略兼解毒可  
也三者皆同而有不同者也諸病有實熱者血氣  
未虧而邪氣壅盛單用寒涼瀉之可也痘瘡亦有



實熱者稟氣強血氣盛而毒氣亦盛亦單用清涼  
解之可也此又其相同者也今自發熱之初以至  
還元之後俱先辨症之虛實寒熱而遂立方於其  
後令人細心審症而後用藥庶不至於虛虛而實  
實乎不至於損不足而補有餘乎不至於以水益  
寒而以火益熱乎然痘之虛實寒熱較之他病猶  
顯明而易察蓋自見點以至結痂其形其色既昭  
然可覩若又聽其聲音觀其靜躁以其飲食之多  
少審其大小便之利澁三歲以上者診其脉之遲

數洪微其辨虛實寒熱當如黑白之分明而用藥  
取效易易矣 辨虛實寒熱之異

又曰痘瘡全憑氣血成功而氣血之盈虧消長其理  
精微不可不透悟也蓋氣體天而親上血體地而  
親下痘之出也其高起之疱氣之位也上也氣宜  
充焉其四暈根脚血之位也下也血宜附焉疱尖  
而色白潤是氣充而居其親上之尊也四圍有暈  
而色紅活是血附而安其親下之分也氣居其尊  
血安其分氣血和順而載毒出外此最吉之痘可

勿藥而愈也頂陷則氣反親下此氣虧而不能充也法當補氣四圍根脚無紅暈此血虧而不能附也法當補血此其理猶易明也其有通頂紅色成血疱者是血反親上也此症最險必不能成漿至八九日後癢塌而死然此非血之獨盈乃由氣虧而失居尊之常故血得以妄行而僭居其位也急宜大補其氣氣充則能統血血自不得泛溢妄行而疱轉白矣世人不識此理見其疱紅則謬認爲血熱而用涼血行血之劑致令氣愈虧而斃愈速

也不亦悲乎故氣血盈虧之理微妙而難識也至於調治痘瘡氣血其氣獨虛者固宜專補氣而不宜補血蓋陽不能從陰陰愈長則陽愈消也其有血虛者多由胃氣損傷元氣不足所致蓋陰必從陽陽生則陰長也黃汝言明醫雜著乃謂血虛而用參芪以補氣則陽旺而陰愈消甚矣其不明於陰陽消長之理而謬立此言爲世大害矣予每治便血之虛滑者婦人產後去血過多而大發熱者婦人血虛崩漏而下血不止者俱用參芪薑附爲

主而佐以血藥與升提藥皆護奇效安在血病不可補氣乎若小兒痘瘡以胃氣爲主則補血必先補氣明矣故氣血消長之理不可不深明也

虧消長  
之理

未純嘔曰痘之爲症始焉一點紅紅者血之色也血之爲血雖賴氣以生之寃其本則水也天一生水地六成之水乃北方之坎兩腎是也腎水充足而得木火土金之氣交相養互相長而成氣與血焉是血之源於水水之源於腎者明矣雖分屬於心

生血肝藏血脾裹血藉令腎中水枯則心何自而生肝何自而藏脾何自而裹合之則五臟同一太極也陽動陰靜而生水火木金土也痘中之一點紅血也出齊之後次第起長充滿於痘之中者漿也漿者血之所化也化毒而爲漿也漿旣充足膿成而毒解也漸次轉褐色回水結痂之候也痂結蒼蠟色此一十二日之成功也何獨前此之高明不論陰陽五行之正理妄立名色且曰惟腎無候而又實之以耳冷骭冷以明腎家無候之證佐又

曰痘之變黑始歸腎也此皆不經之談于有餘年  
誰其辨之予不得已著五臟合一論以辨之

辨五  
臟合

一論

喜泰順曰痘本胎毒號曰天瘡傳染由於外感輕重  
本乎內傷初起太陽壬水尅乎丙丁後歸陽明血  
水化爲膿漿勢若燃眉變如反掌欲知表裏虛實  
須明寒熱溫涼初發之時與傷寒相似或發熱煩  
躁臉唇紅赤身疼頭痛乍寒乍熱噴涕呵欠眼目  
困倦兩額之間有紅紋見者預知其爲痘也發熱

三日當托裏解表使其易出四日五日清涼解毒  
使其易長六日七日溫補氣血使其易於灌漿八  
日九日清利收斂使痘易靨此治痘之常法也夫  
常者可必而變者不可必安可執一以治之哉苟  
痘未出而清涼則毒得寒而凝滯熱毒未解而過  
補則毒蘊蓄而不能化漿故治痘之法見機生情  
隨時應變至於靨後不過慎風寒節飲食而已此  
治痘之原論也

又曰凡痘灰白不紅綻不起發出不快昏暗頂陷皆



表寒而虛二便清嘔吐泄瀉手足口氣俱冷不渴  
少食唇白涕清飲食不化皆裏寒而虛此表裏虛  
寒之證急宜溫脾胃補氣血卽參耆桂附在所宜  
施痘色紅紫結實高聳頂若塵鋪又兼火刺內夾  
癍疹此表熱而實二便秘赤乾嘔吐痰肚腹疼痛  
口冲臭氣煩渴腮紅譫語妄言此則熱毒鬱遏皆  
裏熱而實此表裏實熱之證急宜涼瀉解毒重加  
發散芩連犀柏石膏梔黃又所宜施此表裏虛實  
之證顯著於外醫者易明又有表虛裏實者痘色



淡白不紅綻出不快等證是表虛也而兼之內證  
頻加肚腹疼痛煩躁熱渴白睛通紅二便秘結此  
裏實也表虛裏實之證醫者先當發散不宜若寒  
發散則毒得外洩而內熱自解若寒則毒反冰伏  
而出愈難或於三四朝期斟酌下之先清其毒後  
補氣血得以成漿或有毒鬱氣虛不能充灌者宜  
參連湯治之此治表虛裏實之大畧也裏虛表實  
者最爲難治痘瘡煩紅根不鬆活皮毛壯熱色赤  
焦紫此表實也而兼之嘔吐泄瀉唇白涕清飲食

不化等證治宜活血鬆肌如紅花查蛻生地丹皮  
之類在所宜施俟色澤紅潤庶可補托不然則痘  
不特不能起發竟灌必變紫艷乾枯倒靨空瘡勢  
如燃眉變若反掌醫者當臨證參詳不可拘於一  
定表裏虛實寒熱論

又曰實熱之痘初起壯熱腮紅睛赤口渴譫語內證  
固重見點必凶煩紅瑣碎或三五一堆兩三成羣  
如同蚊咬急當發散重下名爲雙解如查蛻荆防  
葛根石膏大黃等劑再用西河柳芫荽煎湯洗浴

使毛竅通利痘方易出大用清涼如熱毒不解色  
澤不潤根脚不鬆名爲血熱仍可下之再加連翹  
犀角紫草紅花桃仁黃連涼血之劑再服猪尾膏  
無價散等劑方可奏效如是血熱壅遏之痘必須  
清涼解毒以至收靨之時方可清利收斂乃是要  
訣 實熱壅遏論

面部先見報痘八卦方位圖說



歌曰

看痘先分部位 乾宮出起定輕 坎宮不美艮  
三分 震上縱凶現定 巽上先來必重 離宮  
凶有十分 坤宮七數兌四分 此訣急言人聽  
邵慈菴先生秘訣歌

乾上先放定見輕 坎宮十分更見凶  
艮宮報知三分痘 震上出起不須驚  
巽上九分離十分 坤部先報旦夕行  
兌上發之吉中凶 八卦之中利鈍分

乾宮大腸若紫紅定知便實喜相逢

大便非細則不通

若還

灰白色來至泄瀉如流斷是凶

坎宮腎水若紫鮮腰背定是滾油煎若還灰白無膿  
血咬牙寒戰命歸天

艮宮屬胃不宜紅一見黃白喜重重若還紫黑青紅  
色胃爛口臭一場空

震屬肝經宜帶綠若還白色金尅木紫紅色見多煩

怒命宮色正藥可服

巽宮小腸若帶白一夜尿流三五場

場者陷也

紅赤梅花

品字樣小便淋瀝是熱結

離爲心火色宜紅若還紫黑水來攻再加脚潤崩開  
去痘盤開任是神仙枉用功

坤宮秘訣屬命門死生一見在其中紫黑慘暗俱不  
好口傳心授妙無窮

兌宮金兮色本白若還紅赤火來熾此症問君當如  
何噲喉痰喘預明白


中央戊巳土疎黃無辛苦若還青黑色便是木來侮

右云 元微八卦妙入神傳於端人並知  
音時來得遇仙傳訣榮華富貴永無窮



# 面部八卦圖

一 看面部八  
 宮 便知身上  
 胸 背四肢某  
 處 多某處少  
 某 處必黑陷  
 某 處必癢塌  
 某 處必痘疔  
 神 妙之法當  
 細 心熟記之



歌曰

乾宮屬大腸稠密背受殃糞門多癰塌宜服保元湯  
坎宮屬腎水稠密陰疔起腎俞似火燒七日子時亡  
艮宮屬胃經梅花甚不仁若加紫黑色八日寅時陰  
震宮乃屬肝宜大不宜三如品如串樣十四午時喪  
巽宮屬小腸稀疏宜帶黃若還梅品赤淋秘還不妨  
離宮屬心火蟻形甚不可四肢無容針遍身無你我  
坤宮屬命門生死在其中稠密終不好疎朗決無凶  
兌宮屬肺金雖多我不驚若還無空地胸背反相因

中央戊巳土稠密兩腿苦苦還倒塌去兩腳蓮花舞  
看面部八卦痘色相尅死期訣

乾兌宮屬金如有紅痘一粒紅痘屬火火來尅金丙  
申丁酉日死

坎宮屬水如有焦黃痘一粒黃痘屬土土來尅水戊  
子己亥日死

艮坤屬土如有青痘一粒青痘屬木木來尅土甲戌  
甲辰乙未乙丑日死

震巽屬木如有白痘一粒白痘屬金金來尅木庚寅

辛卯日死

離宮屬火如有黑痘一粒黑痘屬水水來尅火壬午癸巳日死

八卦見標生死訣

乾坎出痘最吉昌

頭面數粒四肢荒

荒者少也

此痘九日漿完足

十二收功不必防

艮震出痘果是凶

四肢面部最多蒙

胸背均勻黑數箇

急用針挑尚有功

巽坤出痘品達肢

三粒相連

此痘陰陽不分場

顆粒不分

八日大凶十救一 遲過一日枉思量

離兌出痘種如蠶 紫黑焦枯點像癍

六發狂來七作癢 八日午時返泉鄉

難過八朝

先天八卦面部神斷訣

乾宮出痘更兼紅 心背口多四肢濃

濃者多也

尾間三分痘一箇 若不針穿往瑤宮

十日之內留不住 辰午二時一場空

坎宮痘夾疹相間 委中定有痘疔穿

若是乾宮帶黑色 六朝丑亥上西天

艮宮出痘不相連 心窩沒有兩傍邊

九日痂完十日滿 此痘皆因氣血全

震宮出痘有焦尖 背上定有一團連

胸腹只有三分痘 四肢如蠶種一般

九日南柯一夢去 父母號陶一聲天

巽宮痘密不分枝 胸背皆然一雲齊湧出也

十日縱捱十四盡 寅申一夢赴瑤池

離宮痘出呂連肢雙粒相串 承山有箇痘疔危急早挑去痘疔勿遲

胸前痘疔三四粒 錯過一日枉傷悲

坤宮痘紅分地稀

四肢不覺數多枚

胸背皆然三二十

心前空了始為奇

兌宮如串出一連

仔細思量實可憐

癢塌之中九日故

子亥二時往歸泉

八卦之中總一般

四肢如蠶地不寬

密而多也

肚腹咽喉毒在內

隱在皮膚往裡鑽

全閉也

五日之內轉過吉

起脹分顆

八日分明十五行

不轉至泥人朝難保

# 頭面部圖

訣曰



痘疹秘訣要專門

表裏虛實看分明

先觀面上諸部位

吉凶禍福預知聞



左肝右肺宜斟酌

年壽人中脾屬停

印堂方廣心之主

顴骨尻耳腎同均

文武雙台真妙訣

左右兩耳珠上尋

三台只在準頭上

再查八卦細留心

看痘之法論五經

五經穴道要分明

分明仔細觀八卦

八卦之中按五經

心肝脾肺腎也

心腎原來不相合

脾肺出痘兩均平

惟有肝腎出雜痘

肺腎指指兩三寧

十有二三可保

太陽發生難捉摸

年壽之間有活生

印堂初發帶紫色

六日南柯一夢傾

祇有肝經無大變

四者兼宜方寸行

五行相生併相尅

莫教水火便相爭

上呼下應方爲主

痘疔原來不順情

我有心中秘法文

合法用之轉回生

回生秘訣心常用

常用掌中掛在心

用藥不順安巧計

下手用藥如用兵

一看天庭並太陽

二看唇口舌尖方

三看梁上並梁下

四看喉額定太陽

五看諸陽觀氣色

再看周圍八卦方

一要用功觀形色

二要水火莫相侵

三要氣色無枯地

四要穀食可調勻

五要痘報無頂陷

六無雜症辨其真

腎經一串到太陽

六日有變沒滴量

若然山根有數粒

九日方推十二傷

肝經稠密內兼紅

不怕天庭黑陷空

九日作瀉無大害

十一起從十二亡

肝經出痘灰白色

太陰太陽淡紅白

七日挫喉九日癢

健脾助胃正相當

心經密密地無縫

兩臉珍珠一片紅

此痘八九防作癢

正格之中難起漿

肺經痘串震宮連

只防八日有痰涎

十一凶凶十三吉

過此凶日後無殃

肺經痘串到離關

灰白茵塵內有霜

熱沸爛開霜若見

任君一見也悽惶

密密細詳根下穴

再看唇上可黃漿


若還二處有生意

還保一旦太平鄉

# 風雲雷雨電圖

世上傷心惟痘疹

任是英雄也着慌



訣曰

風庭一粒一庭員

心窠定有七粒全

空得一場方得免

若還不空枉徒然

雲庭一連到太陽

四肢皆多地略荒

胸前數粒荒地濶

背中定有一千雙

雷庭分枝到太陽

四肢地濶喜洋洋

胸膛果然只幾粒

背中畧有數多雙

雨庭天庭並太陽

痘若連串轉凶防

大小不等三四樣

週身皆密地無荒

祇有胸腹畧分地

挫喉咬牙定遭殃

電庭鋪瓊起發難

此痘多因毒內藏

入門一見難下藥

過此九朝十二傷

印堂太陽先見痘

十有九死歸泉路

逆候治之總徒然

勸君休望神明護

痘出一日乾宮現

勸君不必掛心念

順症不治而自安

若用湯藥反成患

唇口稠密頭亦多

六日作癢肚不和

天庭鋪瓊陰陽少

八九日看渴嗽杳

陰陽密密面腮稀

八九唇乾泄瀉虛

兩腮患毒陰陽陷

八九內攻外剝皮

面紫乾枯成黑陷

七八大凶九日變

面腮唇口水珠光

癢塌無膿瘡易傷

天庭陰陽一點冰

週身平塌微微起

眼下一點就發大

後來黑陷咬牙戰

面瘡其中帶紫黑

五六氣喘元喪絕

發熱見標內藏針

何必諸醫枉用心

夾熱紅大內無焦

逐日週身定然好



訣曰

風逆五粒若梅花 手背品字定無差  
心窩七枚相連串 知音用藥妙元佳  
雲逆一連到太陽 四肢皆多地畧荒  
心胸數粒空濶地 背上定有一千雙  
雷逆鋪氈起發難 此痘多因毒內纏  
入門一見難下手 九月將過十日亾  
雨逆痘連一串圓 大小不等兩三般  
遍身稠密肚稀少 措喉聲啞不堪言

電逆分校過太陽

四肢地濶妙非常

肥肚若生三七點

自然脫甲不須忙

元亨利貞天五部位決吉凶

元宮部位赤一條

無齒之人淡紅高

決然來日天心照

二二連肢人識少

亨宮稚子知事多

旱而無雨急出顙

處處旱魃若不退

自然將來九毒磨

利宮蒼黑色來侵

頭大根細定然輕

將來必至皮兒厚

肚腹數枚可放心

# 看脚掌神驗圖



看脚掌部位則知虛實寒熱症候日前  
悞投某藥盡皆知之此法可驚服世人

大拇指裡面屬木  
小拇指外面屬金  
脚指頭為前屬火  
脚掌心湧泉屬土  
脚後跟為後屬水

手中心歌

手上下歌

手左右歌

手心宜少不宜多品定梅花兩眼痴  
若還二虎排行立任遇神仙損一箇  
上下均勻不消嫌天庭疎朗及湧泉  
四肢若無三四粒九日痲完十日全  
左右無痘甚堪驚舌捲囊縮九日傾  
若還捱過十四日手脚心胸定發癰

邵公曰人之有脚掌猶百木之有根人之有頭面如樹之有枝極枝極茂盛樹根亦該茂盛枝極枯槁樹根亦當枯槁反此則上下不相應也如看人之面部病色或青或紅或白或綠或黃而下部脚掌之色不相應者必是庸醫悞投藥餌所致一看便知悞於何藥其驗如神

前脚指歌

離宮正色紅

下面亦相同

若還

紫赤色

悞服熱藥攻

悞在香附官桂附子之類

後脚跟歌

坎宮正色暗

下面亦相同

若還

反帶黃

悞吞發散藥

悞在羌活防風升麻之類

大指裡歌

震宮正色青

下面該相應

若還

反帶白

悞投芪與參

悞在補氣太早

小指外歌 兌宮正色白 下頭亦此色 若還

反慘暗 悞在服涼藥 悞在紫草生地芩連之類

足底中歌 中心正色黃 湧泉該亦黃 若還

反帶青 庸醫用大黃 不當用大黃而用之

驗痘出稠密吉凶訣

梁上先痂紅活吉 耳上先痂往西天

要明八卦方有主 識透部位卽真仙

看痘須知五經判斷吉凶

心者南方丙火色紅者吉

肝者東方甲木色青者吉

脾者中央戊土色黃者良

肺者西方庚金色白者實而圓亮者佳

初見嫩白色者宜蘇葛湯


腎者北方壬水如虛白如珠者凶

宜四物湯四君子湯加減南棗爲引

邵先生看耳筋秘法  
見標之時一看  
輕重吉凶先知

凡看小兒潮熱之際以  
兩耳辨其五色為驗便  
知生死輕重之分秘訣

# 耳背形



兩耳紅筋痘必輕紫筋起  
耳病沉沉縱然有藥來攻  
解十箇難求一個生

歌曰

耳珠	屬胃
耳輪	屬脾
耳中輪	屬心
耳皮肉	屬肺
耳竅	屬腎
耳背玉樓	屬肝

耳後筋紋淡淡紅踈踈磊磊决無凶若然紫黑青白  
色任是軒岐枉費功

經心耳後紅筋赤一條又無枝葉上而高將來必主心  
經瘰頭面稀少定然好

經肝耳筋紫黑魚刺形紛紛都向裏邊行將來必主肝  
經瘰滿身斑赤八朝冥

經脾耳筋蒼蠟瘰主稀頭大尾尖人不知將來必主脾  
經瘰向外排行法更奇

經肺耳筋淡白亂如麻紛紛俱向外邊爬將來必主肺



經痘形如蠶種七朝嗟

腎經耳筋亂發紫黑青腰背定有黑痘疔將來必主腎  
經痘滿耳盈盈九日傾

見標之時一看預定吉凶

耳上屬心經之火貴乎鮮紅壯熱不宜黑白冰冷如  
見梅花品字樣或串字樣從耳皮上山者皆逆之  
兆也

耳下屬腎經之水貴乎紅紫帶冷不宜淡黃壯熱如  
見梅花品字樣反是順症若如芝蔴蛇蚤咬之形

皆凶兆也如見此痘腎俞二穴決有黑痘疔

耳裡屬肺經之金貴主淡白帶溫不宜鮮紅赤紫壯  
熱如見茱萸形或燈火燒烙之樣皆死兆也見此  
痘必然鼻乾口燥痰喘噎喉務宜稀疎大粒淡白  
桃紅色方佳

耳外屬肝經之木貴乎青綠溫熱不宜淡白冰冷如  
見稠密主凶稀疎數粒主吉

中央屬脾經之土貴宜蒼黃溫和不宜綠壯熱稀疎  
如黃蠟色爲吉若稠密如蟻色帶青者必凶

歌曰  
耳上

金木水火土醫家不識重箇苦若  
知此法天下行能服富豪與官府

凡耳後筋三條而枝葉多色淡紅者吉主心經發痘  
必吉頭面決主稀少

凡耳後筋紫赤色者主肝經發痘必凶急出者不吉  
如不退潮熱將來必五毒九磨

凡耳後筋蒼黃色者或筋頭大而根小者主脾經發  
痘頭面胸腹必主稀少

凡耳後筋淡而白色者枝葉繁亂主肺經發痘齊出  
如蠶種必主癘塌極凶之兆不治之症三五日必

癰塌抓破死

凡耳筋黑色枝葉多者主腎經發痘必主黑陷腰背俱有黑痘必然焦苗陷伏疔毒九朝十朝內必死凡發熱耳筋出現紫黑赤白皆凶耳上涼者爲吉耳下涼者爲凶吾今只喜淡淡紅此箇法兒堪用聞聲知證候譏語熱相煎痘色多紅紫大便不閉堅聲戰寒必定大便泄幾番聲清見症不久自安聲啞喉必爛聲速毒氣煎飲食噎喉外須臾下九泉大凡出痘必從腎傳心傳肺傳肝傳脾方愈也

手上凉耳下凉者重

手耳温平主二三分痘

面白主肺經有風寒痰喘主五分痘

面青主泄瀉有四五分痘

若初起瀉者急用四物湯加豆蔻丸紅糖米飲調服

面紫赤主有八九分痘

或作癰塌泄瀉或吐決然癰塌而死

頰車起者決主胸腹背三處有毒

口角內有痘者男子陽竅中有痘疔女子陰竅中有

痘疔主第八日死

兩太陽宮筋紋現者主眼中有痘

急宜祛其眼毒急於陰陽見紋處以

燈爆之卽磨  
去眼中之痘

湧泉穴下有紫泡紅紋現者主心中有痘疔

耳後青脉起主癰癤

兩耳後黑筋橫過髮際主臍下疼腎氣痛

耳蒼鼻黑主小便不通

鼻孔乾燥氣粗主胸

鼻青色主吐乳

印堂黑者主夜啼或胎中受冷之故

人中青主不食大便難通

鼻心紅主心中熱疽癰之毒或夜啼


鼻乾燥主死

如鼻赤尚有可生之道

馮氏小兒面部見點吉凶之圖說

凡發熱三日之後其痘先出於面之下部在兩頤者爲上在兩頰者爲中若額際先發者係毒叅陽位爲下下矣凡曉星報點稠密者雖各部稀疎難治如曉星報點稀疎光潤者雖各部稠密必有可治之機焉然五臟之精華皆上注於頭面故五臟之精華充足者則痘點雖多必能顆粒分明高聳潤澤雖多無害若精華不足則邪毒用事奔潰成片如痞如麤而爲不救之症矣





三關兩煞五軸

胸堂乳阜心之關

臍封脾之關

陽毬腎之關

白帝煞門座於氣窩右太陽

青帝煞門座於眼眶左太陽

顴阜胸乳心之軸

左太陽左脇眼胞兩鬢阜肝之軸

右太陽右脇項頸氣突肺之軸

腮頰中庭口角肚腹手足脾之軸

地閣後頸耳竅背窻腰脊陽毬腎之軸

經穴部位諸痘所主

顙會

在頂上土星一寸可容寸許督脉所發毒生於此大肉

方廣

肺之部痘少則吉

神庭

肺之部在頭入髮際五分督脉足太陽陽明三脉所會不宜多出

天庭

肺之部見標先於此處而且多者則為毒聚陽位肉

穹窿

五嶽高處是也痘若先見則為陽但多而細者肉

風疔

在腦之後不宜生疔

印堂

肺之部痘如成片雲遮則主大肉

絲竹

肝之樞在眉頭陷中足太陽脉氣所發與商邱相應切忌多密

天倉

肺之部在太陽之上  
豐溢則五經無變症

綵霞

在兩目稍之上明  
暢則美肺之部也

繁霞

在兩眉稍之上明  
暢則美肺之部也

玄武

上耳齊處  
腎之部也

山林

不宜  
結毒

百會

痘毒不  
宜生此

髮際

結毒則睛紅舌  
噴口枯而為肉

睛明

在目內眥淚孔手太陽  
陽明之會肝之部也

陽池

先見稠密細小  
陽明之地切忌

左太陽  
肝之殺門切忌稠密

右太陽  
肺之殺門先見稠密大肉

淚堂  
即眼肝之殺門瘡如椒實大肉

魚尾  
肺之部在眼角之瘡如稠密大肉

交骨  
腎之部在耳邊前一寸瘡如遊蠶主肉

聽會  
腎之部在耳珠前陷中上關穴下一寸動脈宛中手太陽脈氣所發不宜生毒

耳孔  
腎之樞疔生於此即名象虎宜速挑治

玄壁  
即名瑞壁脾之部也瘡宜稀則為吉兆

井谷  
七竅之處為井谷瘡若先見於此則為陰而主肉

五岳 兩額鼻額地閣是也  
痘宜疎明美麗為吉

額阜 心之軸痘如綵綢為吉  
若似紫萍遊蠶為凶

額石 心之部也上灌下  
巖視此乃係可治

鼻準 胃之部不  
宜生毒

鼻 胃之部痘如石榴則四  
肢痘如天桃而屬吉兆

年壽 胃之部也凡七朝而痘起紫疱於  
此者併若木硬而如錫片者大凶

地閣 腎之部也  
不宜先發

鼻柱 胃之部痘如桃花之美  
為吉如色灰煤大凶

迎香 在鼻孔傍五分斜縫中手  
足陽明之會不宜生毒

食倉

在兩鼻孔傍是也然近法令紋而在兩腮之次亦名食倉俱脾之部也痘如蟻窠主嘔吐而凶

人中

脾之部乃司命之堂不宜有痘兼痘而如車輪之形者主凶

腮井

脾之部痘毒不宜生此與足脰骨相應

腮田

脾之部不宜稠密

頤池

脾之部痘如梅花則脾土傷而瀉逆主凶

承漿

在頤前唇下五分宛中足陽明肺之所會毒生於此則凶

氣樞

肺之樞在頤下近喉處痘多則凶

喉突

在結喉一寸宛中陰維任脉之會肺之樞主生殺之職痘密於此則凶

氣窩

肺之殺門痘出於此大凶穴在突下窩中若三星垂照必死



背座 此下灌上難治

項鎖 痘如盤蛇則毒盛而難峻肺之部也

乳盤 心之樞也痘如交

臚中 又名胸臑在兩乳中間玉堂下一寸六分在

中腕 在臍上四寸胃之膜手太陽少陽所主

臍封 脾之關也宜多痘否

臍釐 脾之關也逆而主珠

肺窞 在背部三椎骨下兩傍各開一寸半足太陽脉

氣所發然五窞之位俱不可多痘若併出於此

而主商

心竅 兩傍各開五椎骨下一寸半

肝竅 兩傍各開九椎骨下一寸半

脾竅 兩傍各開十一椎骨下一寸半

胃竅 兩傍各開十二椎骨下一寸半

腎竅 各開一寸半 不宜多痘

肩竅 此者可治

傷門 五關為傷門

井田 毒則腸結便難

立門 火不生 男之龜女之牝 屬水而

豐邱

五經高處為豐邱  
痘少則安寧順美

曲池

在手肘曲處宛中  
此最宜速治否則易成痼疾  
痘癰不宜患

三里

在膝傍牛犢下二寸  
此命雖無妨但防潰筋之處  
結此可治

醫臯

肝之軸  
結此可治

陽毬

腎之閏  
毒則肉有

商邱

在足內踝前微陷中  
陰脾所經與絲竹相應  
足太

公孫

在足係足厥  
陰肝所經

湧泉

在足心宛中湧泉牢  
塊則毒透足難治

太衝

在足大指本節  
後二寸陷中

太谿 在足內踝動脉陷中

太白 在足

陰陵 在足

委中 在足膝曲處

陷谷 在足底與脰并相應  
疔毒生此決不可治

痘反慘暗者是南離心火爲坎中腎水所勝而尅  
矣然金下而無火則物安能得熟耶故必不能成  
漿而死是以爲凶其餘可做類推宜再兼以各部  
位痘粒疎密顏色之如何以決之萬無不中者也

馬氏總論痘要歌括

預知瘡痘吉凶機氣色都於面部推年上山根猶緊  
要紅光可喜黯青疑

痘疹傷寒疑似間古人分證可相參莫將汗劑先輕  
視發散惟圖表裏安

瘡疹爲陽待熱成微微發熱始和平假如大熱身猶  
火解毒常教小便清

始終能食最爲良平日其人脾胃強食少却防中氣  
弱淹留引日變瘡瘍

最宜安靜好平和表裏無邪志自寧煩擾忽來宜察  
審最嫌失志轉神昏

陷伏須分實與虛實須清托大相宜如逢虛冷宜溫  
補幽谷春回慶有餘

四時分治候須明暑濕風寒不可輕異氣莫教相觸  
犯致令翻變亂其真

痘瘡脉候貴和平胃氣悠長最要清弦數浮洪爲實  
候微沉短濇是虛因

痘前十八犯 錦囊

第一犯猿猴跳鎮

凡兒未患痘時先感冒風邪身如火烙頭疼自汗咳嗽不已或傷寒之後而痘隨出者則元氣已傷須急疎風解熱補血滋陰調元固表訣曰一犯傷寒勢欲危醫須斟酌痘無虧如將湯藥柴胡用嬰魄含花死可悲

第二犯觀音拂座

凡兒飲食不克樽節暑濕不能護養是以脾胃損傷頻多泄瀉飲食懶發肢體羸瘦方愈未久而痘隨出者則脾虛津耗元氣衰微治宜溫養脾元補益中氣則痘可起脹成膿結實矣訣曰瀉後俄然痘症臨脾虛元耗勢沉沉急宜培土將元益冷藥毫釐不可侵



### 第三犯馬馳劔道

凡兒飲食寒暑不能樽節是以瘧疾纏身寒熱消  
樂肌肉漸瘦其愈未幾而瘧隨出者凡常山草藥  
斷不可用惟宜參苓白朮以扶正氣訣曰嬰兒瘧  
陰相臨元氣驚渴不可聞草藥柴胡宜悉去滋  
陰補衛效通神

### 第四犯一葦航海

凡兒元體薄劣身發火熱乾渴惡嗽疹出未幾其  
瘧隨出者此與循常先疹後瘧者不同凡先瘧後  
瘧者謂之逆先疹後瘧者謂之順然此身弱發熱  
惡嗽乾渴繼又出疹而瘧隨後則勢頗危須急補  
陰清肺養胃扶脾若黃芪補肺之劑切宜禁絕訣  
曰小兒疹出太陰虛痘疹隨形毒客脾宜急清金  
與培土黃芪若用嗽來催

第五犯三仙入洞

凡兒平時患成疳積肚大青筋四肢羸瘦變爲丁  
奚倏然而痘隨出者且治痘爲主訣曰丁奚疳積  
痘交關且把花來發透全切禁消磨並冷藥檳榔  
厚朴及川連

第六犯倒掛銀瓶

凡兒風熱腠裏時發火熱自頭達身丹瘤遍起其  
愈未幾或尙未愈而痘隨形者宜犀角地黃丹皮  
之類以清肝心二經訣曰丹瘤未愈痘形身又屬  
肝心是二經最怕梟紅根匝繞解炎祛毒痘方則  
第七犯霜橋印迹

凡兒火烙臉赤眼睛直豎手足掣搐驚厥屢次口  
燥譫語其愈不數日而痘隨形者此與循常先驚  
後痘者不同蓋因痘而起者是痘從心經故不過  
時微驚惕即甚亦不過臨痘時也此則其驚已甚

治宜且與治痘為主夫鎮心涼臟之劑皆不可投  
訣曰驚厥新痊痘症隨疎砂金石莫相追若還既  
見驚無歇只管升花更與培

第八犯藕池滲水

凡兒身熱自汗口中咯血或鼻衄溺血其愈不數  
日而痘見形者此心官失守致血妄行治宜清心  
抑火切不可妄用寒涼訣曰諸血皆由熱犯心清  
心抑火自歸營切休輕用寒涼劑花菱花楊梅實  
深

第九犯石鼓陰鳴

凡兒未痘之前身發火熱飲食懶發肚腹膨脹眼  
胞浮腫睡卧不安未效日而痘見者治宜補脾理  
氣訣曰腹中膨脹不思飲食氣阻脾虛痘必難宜速  
補脾調氣血更加升表自然安

第十犯赤澤我蓮

凡兒身發惡熱自汗不止眼睛昏花呵欠啼叫其  
症纔愈而痘隨形者治宜飲汗而用黃耆熬人乳  
頻頻飲之更助以調榮益衛之劑訣曰汗流惡熱  
已亡元痘犯心肝十全急補心肝並飲汗痘如  
鼎灌自然全

第十一犯巖頭走馬

凡兒跌撲損傷不數日而痘卽見者治宜補血活  
血兼與扶脾可也訣曰跌撲驚傷未愈時箇中透  
出好花枝安經活血調脾脉自得羣花朵朵奇

第十二犯逐鹿亡羊

凡兒往來潮熱腹生痞塊日積月累身體羸瘦面  
黃力弱而痘隨出者不宜治痞訣曰病痞花開宜

補元扶脾益胃莫遲延尤須治痘培根本何怕花  
兒命不全

### 第十三犯推車陷雪

凡兒稟父母胎毒身患楊梅廣瘡不時寒熱其症  
未愈而痘隨形者將何所治訣曰惡瘡未愈出天  
花當用升麻藥不差莫假連翹諸敗毒誤痘熱點  
浪塗搽

### 第十四犯霜逐梧桐

凡兒身如火烙不時嘔吐不能飲食投諸理氣而  
痘隨見者將何所治訣曰嘔吐驚惶胃不和忽看  
花痘又相磨應須安胃兼升表自得成功患可無

### 第十五犯倦龍行雨

凡兒飲食不節致傷脾胃四肢不收發熱惡寒而  
痘隨見者將何所治訣曰兒傷飲食正逢災痘又

陽明胃裏來宜畧內消兼補胃更加升表自花開

### 第十六犯秋蟬泣露

凡兒未痘之前因感濕熱之氣乃患赤白痢疾其症未愈而痘隨見者將何所治訣曰痢痘治宜清濕熱更加培土和氣血還須表痘復滋花根本調維災自滅

### 第十七犯凍鱗出谷

凡兒因誤持刀刃致傷手足是以寒熱往來而痘隨形者將何所治訣曰金瘡未愈痘來呈活血還兼開滯凝更要升花期表暴扶持昂峻自安寧

### 第十八犯浪裏漁舟

凡兒每發驚厥或患風癇未久而見痘者將何以治訣曰風癇復苦痘來催只把花欄着意培滋得

漿來花朵朵不愁風雨更顛危

各書所載名目不同總痘前十八犯專意痘花爲  
主若痘後犯此十八條則又以專補元氣爲要耳

異痘須知 錦囊

天根痘

凡諸痘不起壯而天庭或曉星起灌者乃精氣外生故曰天根是十有九生

天空痘

諸痘起壯而天庭或曉星不壯者乃血不灌頂也故曰天空十無一生

明朗痘

諸痘不起太陰太陽獨起者是如日月之為明乃助言者也

明蝕痘

諸痘起壯太陰太陽不起者如日月被蝕而為凶

海溢痘

諸痘不起而耳後方圓一寸獨起者名曰星宿海溢是腎經旺也可治

海枯痘

諸痘俱起而耳後方圓一寸獨不起者名曰星宿海枯是腎經敗也不治

有根痘

凡痘遍身頭面稠密十分危險若得地閣方圓數粒如珠者十有十生蓋腎為人之根本

此痘腎旺故曰有根或曰足下有痘為有根



無根痘

諸痘俱好地闊方圓陷伏乾枯或灰白不起者是腎水絕也不治

繞膝痘

膝膕之間髓會於此腎所屬焉故若紅活起脹為吉若色焦紫須防成疔

抱鼻痘

面部俱稀而鼻梁左右密如蠶種者此毒聚於脾胃也名曰抱鼻痘其症危矣然此若得

形色不乖餘部俱順亦見無恙

單鎖口

面部俱稀嘴角有一粒黑痘獨大者此名單鎖口若唇上下一圈成串者此名騰蛇鎖口

皆惡候也

雙鎖口

兩嘴角俱有一粒者此名雙鎖口又名白虎鬚蒼尤惡候也

鎖項托頤痘

一名盤蛇一名托腮一名纏喉其痘遍身稀疏惟項下至頤稠密一片者是也

乃係凶症

結頸痘

凡痘喉頸窩太多者是也急服元參桔梗生地甘草牛旁山荳根之類遲則其毒結喉而死

聚痘

其痘中間多而兩頭少者甚至絕無者是也乃大凶之症多有其毒內攻損傷心肺而死

兩頭痘

一名兩截痘又名春水斷橋其痘初標時自胸以上自臍以下俱已見標而中間一段全

無者是也此因毒氣壅盛氣血相離不能交會陽參於上故頭面最多陰滯於下而腿足稠密故胸腹絕少為陰陽相離故也如痘紅活而根窠圓暈者急宜大補氣血接續元氣須於七日之內速救為妙至七日之後則難救矣惟正氣充足者無妨若頭面太多肩背密甚者死豈可槩以心胸稀少而忽之

逆痘

其痘上少而下身多者是也此無大害或曰從下先見而後上者為是或以弟樣兄女樣男

者為逆痘

鴉翎痘

此天元足而壬癸充腎經獨發之痘名曰鯨

罩雲衢從見標起脈俱黑圓綻光潤圓頂

鬼捏痘

貴之行漿漸黃有神此主後大富  
此痘遍身全無點粒其班成片却

鬼痘

其痘見標既完遍體俱多頭面全無者是也又

救矣因氣血下行不能上升故耳宜急用川芎

升麻甘桔防風常歸蠶之類如不急治則曲

賊痘

其痘初出大紅如菜豆大過一日便如黃豆大

挑破否則四五日上下出血而死更有深紅焮

赤摸過皮軟不礙手者亦是因盜周身之氣血而盡附之故易長易膿故名賊痘是比諸痘獨大其大甚速者是也若過三日則必變成水泡甚或紫泡黑泡矣若形大而黑摸甚堅硬或如圓殼色者此為痘疔宜急用銀簪刺破口含清水吸去積血用紫草膏或油臘脂加血餘灰珍珠末填入瘡內則諸痘自然起發矣

### 蛇皮痘

其痘頭面遍身並無空地平塌而色白者是也必乾枯不能作漿至十一二日而死

### 藥患痘

初標紅潤至四五日忽變陷伏不起將至裏虛者此名藥患痘也治宜急扶表裏為主

### 九焦痘

凡痘而當正額地閣顙骨胸背耳後手足皆有一二箇黑陷者名曰九焦乃不治之症也

### 伏陰痘

其痘不灌膿而內瀉膿血故名伏陰宜急溫裏

### 水晶痘

其痘色似蘆花乃係氣血兩虛之候宜急大補然皮薄甚者雖大補無益

空倉瘡

其瘡雖似肥滿而內無膿血裏實乾枯全無血水者是也決死之症

半邊瘡

其瘡或出於左或出於右歪斜頭偏盤暈散漫者是也此症雖飲食聲音二便如故總難

過七日也

石曰瘡

其瘡中間有凹四弦凸起光亮好看內實漿板不化以手摸之其硬如石形如石曰故名

之必死

茱萸瘡

其瘡不甚起其中亦凹而四絃皆有縐紋以形似茱萸故名之若根窠紅活者以內托散

加減服之

蟲瘡

凡瘡夏月患者恒多生虫蓋熱勝則肉腐腐則生虫也有不止夏月瘡中生虫其瘡甚癢者有

云此由毒留皮膚熱腐而化既腐於外則毒亦外解自無內伏等患故曰吉兆或云草腐生螢

木朽生虫故為齒候宜兼察形症何如以定吉凶治宜以銀簪挑去或用柳條縛下蛆自出矣

血痘

其痘初出紅紫平如硃筆點於遍身者是也

火裏苗

其痘自見點以至結痂發熱不退而起脹貫膿如期應候及至落痂則身涼矣故名之

血疱痘

此血協熱毒而自漿也凡刺疱血黑者不治如血紅者急與犀角地黃湯加白芍以制血

解毒

血靨痘

凡痘出稀少而四五日胖如豌豆六七日血靨痂乾色似丹砂九日而痂落者是也此是

毒少而氣血充足隨出隨痂

懸磬痘

其痘玉枕之間團聚成塊若紫赤灰陷者最為極危蓋此係腦戶穴而宗脈所聚也

鵝口痘

鵝口者痘正起發時唇口痘先黃熟而帶漿是也此處發於脾漸至嘔吐不救

白漿痘

凡初起發其瘡頭便帶白漿者此

破黃痘

其痘人中一粒比眾痘獨大痘雖稀朗至六七日或十二日傳經時必然發瀉不止蓋脾

已腐敗也

四圍痘

其痘初起而根窠起發之際四畔旋出小痘攢簇本瘡或發似粟米者必不待養漿即加

搔癢而死

漏瘡痘

有於膿漿成熟之際瘡頭有孔膿水漏出堆聚乾結成痂色如天泡瘡者此為漏瘡之美

者也更有不待養膿忽爾自破漏去清水遂乾黑者皆由癘氣所為傳染相似未有能治

者也

蛙痘

凡起脹時痘上有小孔不黑不白者此名蛙痘是表虛而腠裏不密大泄元氣宜急服保元湯

加丁桂其孔一密而痘自起矣如  
僅數顆孔甚黑色者則為疔矣

攀肩痘

其痘肩項之上稠密是也如色又不佳者凶

隱血斑

其痘形如痘殼而色灰白全無血色及至擦破而後血出亦無膿漿者是也不治

赤萍瘡

凡痘出如赤萍萍微微高起者是也若爬破有血者急以解毒升發之藥救之如成爛痘

則無妨矣

氣血兩敗痘

近看猶如水蓼花遠望臙脂紫可誇臨漿清水不成膿古聖神農無治法

紫萍瘡

凡痘出齊紫色不起兼不灌漿如紫萍瘡貼在肉上者不治

白萍瘡

凡痘出齊白色不起兼不灌漿如白萍瘡貼在肉上者不治

燕窩痘

其痘在於後頸之間風門大椎兩穴之處繁粒稠密是也若色又焦紫者必危



垂珠痘

兩耳屬腎腎本伏毒之處不宜受痘今痘出耳輪之上連綿如灌珠此毒氣傷腎之甚萬

無一生

草尾珠

其痘遍身俱陷惟髑骨一團飽滿如珠者是也此症尚可急治而用補托灌漿之劑或有

生者

黑痘

多屬血熱毒陷况係天癸奪權本最惡症但形狀多端有血活而猶可救者有色異而後主貴者須細辨之惟血不活者不可治矣

贈痘

贈者增出之謂自起膿灌膿結痂皆有之凡頭面已破又復灌漿於無痘處復出一層是也又各補空痘此因正氣得補而復邪毒逐外也故最易長易膿若服補托藥後不出贈痘破處不復腫貫者不治

木痘

此痘中心微微凹陷硬如乾腐無膿無血是也

瘟痘

此因小兒肌膚多痰結聚成毒耳九日死

訣曰口不話眼不睜飲食不知討終日困沉沉

佛頂珠

其痘是狀元郎到此門關

色潤美者是也乃係最吉

五種痘 錦囊

望痘

一名報痘每見熱微氣爽精神旺強忽起點子自一點以至十餘點外其盤與頂甚佳貫膿亦足世每稱上乘者矣或有結痂之後一發熱而周身密布者亦有將結痂而復潰爛深癰方乃周身攪起者毒伏於內人不先察幸其自起得以全生故遇甚少之痘必須細詳耳後紅紋再聞周身紋路以及面部氣血如非報痘則數點可云全吉若猶未也必須銀針挑破初點胭脂封貼則毒不內攻後痘起發亦得鮮少也

赤痘

一名九焦其痘勢尖圓易長易貫根脚赤甚似平血熱然先後不齊三朝聚至隨貫隨回以其九日

之內必焦故名九焦  
是係肺症乃輕候也

### 水痘

其發熱起脹貫臙形色狀貌皆同所以易者惟出  
時頂色白亮根腳散大紫色淺白頂無痘眼是亦  
肺症可無生死之虞但升表太過後  
必變瘡而潰爛殊久耗人元氣耳

### 石痘

此正痘中之第一偉也按之如石易起易貫易醫  
嘻笑如故飲食如常三朝漿至七日漿回十日功  
成矣

### 木痘

其發熱見紋俱似痘狀但出之時忽然見點不一  
而足至一二朝漸覺粗肥至二三朝反細而隱有

形無漿者是也是亦勝症不必他虞然此五  
種凡隨痘症時行偏多此類相混故宜細辨

異痘諸名 錦囊

紫雲灌頂

其痘遍身俱好但頭頂紫乾陷伏不起者是也不治

彤雲透頂

此乃熱毒聚於膀胱也須清利之

元至欄

氣會足心之下名湧泉穴若於此中見痘則痘勢已全而獲最美一云凡於此處先

紅先灌者大非

烏紗覆頂

其痘必咽喉啞塞喘促氣粗是血衰氣敗而元陽脫也不治

梨花漫頂

此因氣血虛寒不能振發光澤耳急用保元湯加天雄猶或可救

雲掩天庭

一名覆釜一名蒙頭其痘遍身磊落光澤惟額上一片血泡如雲者是也此乃心家

客熱熾甚耳宜急用犀角之類服之

紫萍鋪額

其症則熱甚咽痛而悶亂發狂治宜急用清利解毒為主

烏紗落額

其症額上一片黑氣罩定是元陽氣血併絕也不治

灰撲印堂

此症是心家少血也若兼腹脹咽乾之候者治宜補氣血為主而兼托裏宜保元湯加芎桂紅花主之如至於鼻者則又名中流砥柱又名毒滯迎香是又屬於肺也

紅紗拂面

此宜涼血解毒為主如痘多而連肉紅者不治

楊花撲面

此宜內托散加天雄主之

赤珠繞唇

此乃脾經極熱也宜急清火解毒

烏飯沾唇

此症必聲啞神昏目睛不轉四肢厥冷三朝七日乃死

霞錦穿胸

此因火毒熾盛不治之症也

紫雲佈胸

此乃血凝氣滯毒來攻胸也其症必咬牙戰掉口唇焦裂甚或頃刻而死

黑棋排胸

此心火亢極真臟色見三朝決死火性迅速也

柳絮飛胸

此乃血氣枯弱也宜保元陽加芎歸桂附主之

桃花映背

其痘遍身紅活光綻圓滿但背上深紅稠密治宜清火凉心解毒為主

紫萍浮背

其痘背上稠密紅紫連片者是也不治

毒擁三倉

一名縷胸其痘胸前成片此五臟之募係焉氣會聚焉心胞絡注焉決無生理

花鈿斜堆

其痘兩鬢獨多若至紫赤者尤宜清熱化毒

黑砂落背

此症尤為不治

巢炎敵聰

一名鎖音其痘在耳獨多者是也耳為腎竅忌先見先醫如耳熱黑色防變黑歸腎



為

雪鋪魚背

此五臟血已枯盡也不治

赤鱗穿腹

此乃胃家熱甚故大便秘堅小便利淋瀝治宜和解

三陰奏毒

足大拇是太衝穴屬厥陰足心是湧泉穴屬少陰足股傍是商邱穴屬太陰若毒奏

者

白梨墮腹

此係氣血皆敗也半此月之間必發驚而死

葡萄落地

其痘醫尻間紅紫一片若葡萄者不治

爛粟居醫

其痘遍身俱好惟醫上一片如粟殼臭爛者是也宜急為補托下元或有可生

榴花散野

凡諸痘俱好惟四肢紅赤唇口崩裂者是心脾肺三經熱甚也治宜涼血清火解毒

主為

荷錢透水

一名托腮其痘獨兩腮稠密是也若至焦紫神昏者凶

楊花墮枝

其痘獨四肢灰白者是也此因氣凝血滯耳宜八珍湯加附子主之

桌聚兩頤

一名藏脂撲面一名橘殼臉其痘兩臉紫赤獨多者是也此因肝肺熱甚宜急清熱

解毒

九不識 錦囊

懸鏡痘

此痘背馳三陰毒奏五疳形似發背乃一不識也其候必須躁譫語惡渴嘔吐身如火熱

蝎子痘

此痘經於肝道梟毒總聚左脇其大如豆四沿小者如珠乃二不識也其候必乾渴煩躁

嘔逆不食

覆金痘

此痘總會諸陽旋繞連澤而下部俱無其候嘔吐頭痛形似禿鷹乃三不識也

鎖井痘

此痘毒襲脾絡羣聚口沿旋繞無數乃四不識也其候必舌難咽睡臥不寧

盤蛇痘

此痘毒襲肺絡頸項圍繞形如瘰癧乃五不識也其候痰涎緊併眼赤惡渴

豕虎痘

此痘毒襲脾胃臍輪左右梟淫盤結乃六不識也其候肚腹如絞洩瀉吐逆肢冷惡寒

玄圻痘

此痘經心達腎毒襲腰陽物壯似梅瘡乃七不識也其候小腹悶脹便澀而赤口渴身熱

掩月痘

此痘經於陽明毒轉兩腋中窩圈鎖十五六

不識

也

卷阿痘

此痘經於脾毒轉陽明兩掌心痘四五  
顆連聚此九不識也其候吐瀉煩躁

五禁瘡 錦囊

五禁瘡者最惡症也此痘一出諸痘不能宣發成漿矣一曰胃禁二曰火禁三曰水禁四曰風禁五曰寒禁胃禁者因毒火炙胃不能發達於外是以脾胃潰爛其外出之痘在於唇口之間而四五點相連諸痘未漿此痘先已黃熟是熱毒內攻胃已腐爛諸痘不能成漿也故凡唇口一見此痘如見繁紅氣粗熱甚口臭異常者是其候也不治火禁者因初發之際身發寒熱就火溫熱太過致使皮膚

乾燥又兼氣虛不能拘逐故毒停滯於皮膚之內發洩不出細看皮中覺有紅色點子無頭無腳獨於四肢或面方廣之處見一二點者則諸痘皆從此痘發洩爲孽隱隱不起之痘終不能快出者是也宜外以水楊荊芥煎湯浴之內用升麻和解散主之則諸痘自可起發矣水禁者有因初熱之際毒氣方熾誤食生冷則毒伏於皮膚之間隱隱見有紅點或於方廣兩脇手足頭面之際發有水泡者是也然冷氣在內故內必腹疼肚脹外必發熱

惡寒宜以丁桂茯苓升麻大腹之類逐之風禁者  
因發熱之初失於避風是以肌表固密痘不能出  
皮膚麻木不知痛癢或皮毛乾燥膚癢欲搔甚則  
狂煩譫語者此風與火相搏也治宜以乾葛羌活  
蟬蛻之類逐之寒禁者發熱之初誤經冷水沐浴  
或睡卧於鐵漆寒冷之處或衣被單薄感冒風寒  
是以寒凝肌表痘毒不能宣發手足麻木冷痛之  
所不出痘子惟在委曲避風之處或頭面髮際之  
上痘如癰疹者是也宜內用川芎桂枝獨羌以逐

之外用重衣厚帛以溫之



邵公看痘分五色歌

桃花紅

桃花之紅淡淡紅  
倘若入朝漿不滿

一見此色喜相逢  
畧投起頂妙無窮

紫花紅

紫花之紅帶紫色  
急投退紫轉紅湯

毒凝血滯是秘訣  
服下片時通滯血

蠟燭紅

蠟燭之紅紅艷艷  
此症分明氣有餘

一日六時有三變  
血隨氣行如放電

丹砂紅

丹砂之紅鶴頂樣  
倘若慘暗不歸根

果然艷根鮮明亮  
退紫轉紅湯可放

鷄冠紅

鷄冠紅亮赤如丹  
恰似龍含珠映水

皎潔鮮明玳瑁斑  
滿江春色照人間

朱氏辨別七暈

痘出而根脚有暈其名有七焉辨之不可不早也痘

粒之尖圓者氣充也實也痘粒之平塌者氣弱也

虛也若以暈言之老紅也紅紫也紅紫乾枯也淡紅也焦紅也鋪紅也淡白也此七暈分順險逆

老紅

暈色紅而老不嬌妖也不閃爍也不乍紅而乍淡也亦不帶紫也此老紅之暈必發熱三日而始見痘苗也身體必平和不甚熱也必能飲食也二便必調也精神必精爽也此順症也痘出必稀疎即多有百十粒亦順

紅紫

痘色深紅而帶紫也必發熱二日即見痘苗也身必熱微煩躁也當以敗毒和中散主之看其出齊即用清毒活血湯催其長漿漿足亦歸於順

紅紫乾枯

初見痘苗即見如此暈脚其症多係逆症必發熱一日即見痘苗報痘必稠密必大熱蒸蒸煩躁昏沉不省人事唇焦口渴此危症也其症多不可救若大便

結燥二三日不解小水短澀又黃此毒  
火內盛急宜下之以清其毒火仍宜用  
敗毒和中散加熟大黃以利之毒火必  
從此而少減看其出齊卽以清毒活血  
湯催其長漿向之所謂紅紫乾枯者今  
轉根脚紅活漿再汎起此尚可救若仍  
復乾枯不見起長不見汎漿加之身熱  
蒸蒸煩躁頓悶譫語昏沉不省人事不  
思飲食痘仍平塌中有  
黑臍此必不可救矣

# 淡紅

暈脚四圍淡紅有嬌妖之色以紙燈照之若  
有紅色若紅色不定將來必變淡白色此乃  
氣血俱虛若初見痘苗之時見此淡紅暈脚  
寒涼之藥切不可投倘或身不退熱微有煩  
躁宜用敗毒和中散去芩連紫草茸加羌活  
蘇葉白芷以托其苗俟其出齊以千金內托  
散催其長漿漿足仍歸於順若先慢用寒涼  
暈轉淡白急用參歸鹿茸湯以救之緩則成

焦紅

陷矣此淡紅之暈易於變淡白不可不知

初見痘苗頂乃先焦根脚紅紫有芒角不見  
滋潤暈脚不圓且又帶紅紫乾枯此乃毒火  
內盛若初見痘苗急用敗毒和中散倍加苓  
連紫草茸以托之俟其出齊熱不減不能食  
兼之神昏不省人事煩躁悶頓水漿不入則  
不可救矣倘或熱少減神氣稍清能食不甚  
煩躁急以清毒活血湯催其長漿若漿足  
仍可歸順此在神而明之存乎其人耳

鋪紅

痘無紅暈痘粒淡白通身皮肉盡紅故名曰  
鋪紅良由毒火內盛氣不能統血散漫於皮  
膚之間也若神清能食痘稀疎者可治若人  
事昏沉則不可救矣

淡白

痘之根脚四圍無一絲紅色止見有淡白之  
痘而亦不見其有暈也蓋因氣血兩虛或因  
久病之後或因吐瀉之後或因生母有病以  
致缺乳或因內有積患或因生大毒膿血出

多元氣傷洩之後故出此淡白之痘初見痘苗宜用加味參蘇飲以托之俟其出齊即用千金內托散催其長漿如或漿不足即用參歸鹿茸湯以催之今日不足來日再催予曾治此氣血兩虛之症竟至十一二朝漿始足者今之庸醫見八九日漿不滿而平塌者盡委而棄之皆因內無實學知識平常未見聶氏活幼心法之書親敬高明廣其知識臨此等七暈之症內有一定之主意外用合宜之藥品舉斯世之幼穉或出險途而躋壽域豈非仁人君子仁心仁術參天地贊化育乎

### 驗苗訣

初出痘苗尖聳雖多緩出莫愁齊出焦頭枯槁終須

雖久難留

又看顏色氣血榮枯初出見點察色可知其紅成片

潤活可醫黑如煤炭血死無疑

邵公

邵公看痘分五形訣

珍珠形

珍珠之形恰似珠  
磊落均勻光皎潔

頂白根紅可看書  
七日漿行九日舒

茱萸形

茱萸之形血有餘  
頂陷帶黑兼慘暗

解毒湯投預可除  
逢斯可讀邵公書

棋子形

棋子之形平頂樣  
只因氣滯元陽弱

厚皮慘暗不明亮  
調養湯投還可望

菜豆形

菜豆之形硬頂綠  
祇恐收期難得收

氣血俱隆漿滿足  
口傳秘方不肯錄

白荳形

白荳之形皮最薄  
此痘皆因氣血虧

清水漿行又軟弱  
調氣養血漿可足

上達之士見此形色目力精全  
智意兼會舉一隅以知三聞  
一事而知十十人中可回生八九

邵公看痘分惡五色歌

烏鴉斑

烏鴉斑生症惡多  
中心黑陷四邊紫

昏昏隱隱亂如梭  
六日之間一夢柯

紫沙斑

紫沙斑患決不輕  
氣虛毒盛宜時解

其苗頂子似蕨形  
清地湯投用則靈

雲頭斑

雲頭斑形浮萍好  
解毒破血不得法

一似螺螄屬樣同  
死在六朝旦夕中

蛇蚤斑

蛇蚤斑形出遍身  
氣虛血滯如何療

却如蚊咬一般形  
調養湯中去茯苓

點脂斑

點脂斑形在皮上  
雖然血熱氣有餘

猶如臘脂點肉樣  
畧投解毒便無恙

邵公看痘分惡五形訣

乾皮形

乾皮瘡形微帶紅  
氣少血枯瘡伏內

又兼枯黑熱來攻  
清地湯投急用功

紫萍形

紫萍斑形似紫荷  
祇因火毒連瘡熾

出時血色隱無窠  
七日之間五毒磨

白萍形

白萍瘡形發脆皮調氣養血俱當用

無膿灰色血多腐免教嬰孩九日危

赤萍形

赤萍瘡形出已齊手爬血出如淋瀝

形如桃花貼肉生去毒涼心敗藥宜

蓮肉形

蓮肉紅形痘已齊倒塌無膿難下手

出齊五日腫其皮九日黃泉一夢同

形色之惡猶宜謹慎臨症之時不可草率十人之中尚可保全二三若下愚之流執一之輩非乘機先講謝儀往返擔延時刻卽慮設使難救治之損名棄而不救此等不堪幼科卽得此許多秘訣用之斷不應手予此等秘法天下司幼科者百無一知因予對天立願好利之人不傳下愚之人不傳悖義之人不傳三不傳者恐知此法乘人之危順症亦加恐嚇使其父母莫知所知不得不典衣當衫磕頭禮拜求其救治彼持此秘法只知謀利全無保赤之心所以不獨用之無功必遭天譴慎之



邵公看痘秘訣

熱日湧出痘難當

宜查部位再推詳

若是利方先見點

不須憂慮少慌張

初出放點滿頭紅

再查部位用其功

果然報痘方不利

七日之後一場空

初出血點帶紫鮮

雷庭磊落可回天

急宜早早求清地

湯名

免的爹娘枉教寬

未出腰痛甚可憐

腮顴年壽不須嫌

若在逆部痘先報

牽牛丸方可結緣

初出頭面痘形好

遍身如蘇不均勻

若還方法不得訣

連燒十日見閻君

已出頭面却如蘇

遍身痘色莫須誇

風池兩背若先腫

不遇明醫枉費嗟

初出臙脂一片紅

祇因血滯氣難攻

羌活散中加減用

莫待臨時枉用功

初出哭泣啞音聲

色如明潤可回生

若如紫黑發斑疹

一夢南柯十一行

痘放標時手足先

臉多腦少背多纏

四肢果然多密地

斯時看法又玄玄

頭面灰白黑兼多

果然周身紅活窠

心窩兩傍無空地

腎腧夾臍黑穿梭

痘標出放在天庭

胸背稀密不均勻

四肢畧分疎地濶

心窩空地二三分

痘瘡先放在太陽

面上稀疏四肢濃

胸膛背脊無空地

九日之內往泉鄉

痘標初放在司空

顴骨腮少密離宮

胸腹四肢大分地

背心上下密重重

方廣出標大可嫌

面多胸少背多纏

此痘定然三四樣

醫人用藥要心專

印堂出痘見形來

太陽方廣磊如堆

心窩鋪瓊無空地

一交九日已時亡

山根年壽痘形先

面胸稀少背相穿

四肢畧有二三十

喉嚨倘痛要清咽

兩腮放痘見形來

面少胷背四肢排

嬰孩若遇此等痘

不必憂心且放懷

風池三台一點形

其痘原來蚬出行

嘔惡不寧清白糞

急宜用藥救回生

三台放痘要先知

上吐下瀉不須疑

喉嚨又疼難得過

甘桔湯中仔細推

承漿出痘不須疑

其毒原來痘必稀

此痘定燒三日外

退涼身靜再無窮

又訣

六日七朝見痘瘡

滿面稠密地無荒

細看陰陽梁上穴

內中畧有水珠藏

此乃心肝肺痘出

心窩畧有幾數行

二日見標無大害

十一十二防作癢

作癢之中防作瀉

十五十六太平鄉

七八九日見痘瘡

滿面鋪瓊紫色樣

飲食挫喉真可忌

肝腎二經出不祥

二日見標火中出

十一午時枉思量

五六七朝見痘瘡

渾身發痘地疎荒

此乃肝經瘡發出

胸心畧有似紅珊

三日見標連火出

急用疎痘涼地湯

服過之後聽調理

在後不必用他方

六七八日見痘瘡

滿面紅滑水珠樣

此乃肝脾出痘疹

二日見標可推詳

胸中空空有數個

逢人一見喜揚揚

細詳不可一斷論

此痘在後有傳方

九日方來定作癢

作癢之中又作渴

作渴之中又作瀉

寒戰咬牙甚難當

捱過十三十四日

過此凶日定無妨

七八九朝見痘瘡

陰陽兩腮甚難當

灰白畧帶淡紅色

肝肺二經發根詳

八九天門見痘瘡

坎離二穴平塌樣

心腎二經紫黑色

水中發出火中殃

十一二日定作癢

內攻外剝見閻王

九日十朝見痘瘡

黑陷焦枯不上漿

陰陽二處不起發

肺腎二經不灌漿

胸背稀疎黑數個

日半見標莫思量

十二咬牙並氣喘

十四午刻返陰鄉

五日六日見痘瘡

痘出皮肉一連丹

斑點陰陽不分地

胸肚紫泡氣難當



日半見之直可惡

九日之內往泉鄉

三日四朝見痘瘡

紅斑紫泡地先胖

腫也

眼目陰陽俱無縫

斑點六日一場空

十八九朝見痘瘡

渾身收完皮肉紅

原痘不曾充灌頂

邵公一見喜相逢

十二咬牙並寒戰

十四子午赴泉鄉

八日九日見痘瘡

滿面稠密一片難

仔細觀其陰陽穴

陰陽天庭畧上漿

邵公問醫無荅者

勉而猶豫始知難

急推土心行八卦

此症訣後有奇方

藥施用當如反掌

危者能生有主張

五日六日見痘瘡

頭臉肢體灰白光

邵公至囑再至囑

急用良劑保安康

此痘氣血相和助

健脾行氣正相當

八日九日見痘瘡

陰陽唇口痘紅藏

肝肺二經痘淡白

心窩稀少四肢均

三日見標真可羨

十一起頂十二藏

又訣

痘之熱症湯水飲多申日必泄 亥日寒戰咬牙惡  
症死期辰午 申日多歸乙亥 丁丑之期巳卯  
或靈 辛巳常驗甲申極準仙數難逃 症值吉  
凶從訣可斷 且如凶現堪斷幾朝 用意推詳  
再加目力 究其精奧僅可稱神 謹密仙機幸  
毋亂洩

邵公定痘有可治不可治訣

痘殃一症難言也有發熱而死者有未發熱不知  
痘症而死者有發熱三朝並不起發不分顆粒枯  
黑痧夾痘痘夾痲而死者有五朝忽然漿陷肌膚  
忽瘦而死者有七朝大小便不通眼開氣洩死者  
有十二朝忽死者有一月後死者種種不一此言  
其已知出痘之險惡者更有一種腸痛腰疼數日  
並不發熱並無報痘忽喊數聲死者又何能知其  
爲痘之險惡耶

先驚後痘吉

一片蠟黃吉

唇內有水者吉

大便出蛔無妨

黑陷有膿無妨

抓破出血無妨

痘後聲啞無妨

初出紫血有法治

稠密頂陷有法治

唇有紫泡有法治

如紫黑色者不治

鼻出衄血有法治

飲食堆喉有法治

灰白色有法治

渴瀉不止有法治

寒戰咬牙有法治

初起寒戰不治十四朝寒戰可治初起咬牙不治七八朝咬牙可治

疔瘡口臭俱有法治

手摸碍手者有法治

手摸嫩者有法治

手熱不退有法治

鼻血不止有法治

犀角地黃湯主之

泄不止者有法治

吐瀉者有法治

遍身痛者有法治

如入九日作痛者乃氣血過盛宜涼膈散

語言不正有法治

二便不通有法治

打呃者有法治

舌上白者有法治

唇乾者有法治

黑頂陷者有法治

初熱悶亂者有法治

唇裂者有法治

初痘起驚者有法治

癰塌抓破血水有法治

白頂陷者有法治

滿口齒落者有法治

口鼻出血有法治



遍身臭膿有法治

牙關閉者有法治

暴躁不定者有法治

面部不起有法治

陰毒陷陽有法治

陽毒陷陰有法治

收後黑糞有法治

收後咬牙不止有法治

銅鑼頂者有法治

室女行經有法治

孕婦胎下有法治

十指冷者有法治

用煮雞法

初起氣急無妨

八九日氣急者凶

初起欬嗽無妨

八九日欬嗽者凶

吐蛔一條無妨

若吐蛔二條者死如發熱三日見標吐蛔者乃腎中真病不治之症

十四朝腰痛無妨

初起腰痛者凶

初起目閉無妨

十四朝目閉者死

痘七八日口渴無妨

乃氣血不足四物湯治之

初起聲啞無妨

先凶後吉

牙疼無妨

大便出血無妨

黃連解毒湯主之

口吐鮮血無妨

吐赤血者不治

口吐黃水無妨

平胃散主之

肚痛無妨

平胃散主之

膿涕者不好

手搖者不治

眼中出血不治

凡痘初出如麻子不得手者不到第三日反隱入或變水泡聲啞挫喉則七朝辰午二時死

凡痘出如黑痣者九日死

凡痘不起眼胞先腫者九日死面先腫者十日死

凡痘兩額角多抓破者十日死焦枯陷伏者十四日死

吐膿痰者無妨

消痰飲治之

吐臭膿痰肺癰不治

泄瀉清糞無妨

理中湯治之

泄瀉白糞乃是寒症可治

理中湯治之

天庭稠密如蠶種似針苗之狀頂陷黑者不治

泄瀉黑糞者不治

目疼者可治

手心疼者無妨

益元散治之

泄瀉紅糞者不治

十指疼者不治

耳後作疼者可治

茯苓湯治之一服卽止

背心疼者可治

宜羌活散治之

曲天疼者不治

胸心疼者不治

舌尖紅五心有火可治 麥冬散治之

喉中疼者難治 七八日喉中疼者可治  
初起喉中疼者不治

又訣

毒厭中宮咽喉啞	嘔瀉咬牙命難假
心煩躁悶喘難當	瀉膿出血難主下
睡臥冥冥又不食	默默沉沉南柯差
虛若初出見青黑	除是回生真妙訣
半隱肌膚色不見	用藥不對如刀劍
若有明醫識諸症	千代兒孫富且顯
一看咽喉時時啞	次看咽喉聲轉大
喘痰頭上有汗珠	腹中飽悶氣虛滑

醫家若還見此症  
再變寒戰終有惡  
黑陷動動如泄瀉  
吐舌身搖頸動翻  
口中氣冷如何治

六日南柯一夢傾  
或重或輕心中熱  
黑血下流陰氣絕  
面青紫黑命難存  
除是乘槎閩苑人

痘出五日聲啞者不治

痘未壯遍身抓破無氣血者不治

舊有瘡瘍不愈者不治

痰壅盛氣急者不治

未出神昏者不治

未出氣促者不治

腹脹瀉膿血者不治

一出全不起發密如蠶種平片花塔者不治

收靨前後內有紅紫泡者不治

肌膚黧黑如粃破者不治

漿水米粒不入口者不治

一出晦暗焦黑者不治

眼內黑米起者不治

浮油混眼者不治

除此之外縱有雜症及痘難稱密畧有潤澤學問  
精明眼力又到胸中誠確所見不錯病家不惑彼



此俱是誠心加意調治  
必可保全十之六七

又訣

初出頂陷蓮肉紅

捱過九日一場空

又無血點帶紅紫

斑症死在六日中

發斑黑者在朝夕

斑青頃刻去匆匆

無膿癢塌十二日

不要疼痛及挺胸

報痘如癰似雞皮

舌捲囊縮命必亡

刺胞刺出黑血者

飲食噎喉諸症凶

難療面腫瘡不腫

青色黑陷及無膿

二便流水下腹垢

更有吐瀉及蛔虫

頭溫足冷好飲水

痘先驚後藥難攻

氣促泄瀉渴不止

若無漿者命難供

失音聲啞叫與哭

痘色縱好也難終

但凡氣急亦難治

如灌膿時忽傷風

見此宜服參蘇飲

餘症推詳須用功

天庭痘成串不起此乃氣血俱虛須補氣血爲主不

然後必空倉癢塌虛白作瀉寒戰而死

婦女出痘經水不止者凶

墮胎血者凶

不墮胎而血不止者死

收靨時顫搖不止者皆身弱之故

另有治法

靨後目睛無神慢驚頭面青色者不治

收靨時喉痛不止者凶

凡痘腰下現紅點而腰上不現出者不治

醫家斜視痘兒之臉形如橘皮不分肉地者死

此即不分

顆粒肉腫  
瘡不腫也

喜泰順日初出紅點帶紅紫發斑之證五日死初出

滿頂連肉紅七八九日氣絕耳斑如錦紋六日終  
斑青頃刻入陰中痘出如痈無縫者摸不得手勿  
治也若如湯泡及火燒十日癢塌死難饒痘出腰  
腹痛不已煩躁紫黑口臭死頭面一片如臙脂六  
日後死何必疑肉面腫浮瘡不腫胸高耳突不治  
重痘白面光根不紅久後抓破死無膿無膿癢塌  
十二期有膿血者不死矣如床無縫痘不好聲啞  
氣急命皆危二證貫膿痘色光乃傷風寒參蘇當  
若是哭泣咳嗽啞痘色光明也不妨痘色不好聲

音啞斷他必死無或假舌捲囊縮目無神飲食滯  
喉必難存紫泡刺破出黑血便中腸垢不治論吐  
瀉若還甚不止痢重出者死難聞已未出痘聲音  
變先痘後驚活不寧三日痘窠全不起紅腫如瓜  
君莫治頂陷有眼似針穿紫黑色者死決然貫膿  
乾枯無血水此名空瘡痘乃薦泄瀉不止二便血  
乳食不化痘爛死貫時二便全不通目閉口啞證  
亦凶腹中脹滿肌肉黑若還醫治必無功當磨瘡  
塌無膿血皮如血殼肝卽絕寒戰咬牙痘後驚磨

若竹衣便膿血此皆死證不須醫縱遇神仙難作  
力

痘科始終要訣

邵公曰自初發熱便知吉凶重則痘密輕則痘稀日  
半出齊靈丹莫療緩延三日續敷可生初出之苗  
根潤頂尖必易起壯頭焦脚滯終難行漿肉裏藏  
隱紅斑再察天離苗勢此位粗肥有潤用藥退轉  
爲輕大抵微熱三天身涼見標斯爲上吉若日半  
兩日帶熱見點此是至凶初熱爲始至六日滿方  
齊若二三四五日內見苗熱未退者悉用退火解  
毒直待分地清白七日之後方可補托助漿九日

之期順者飽滿充實逆者粘肉乾枯險者離吳起  
窠無漿脚潤十日漸長十二三日頭面俱滿於中  
或有變證用藥調治可保無虞痘若起脹行漿再  
看舌喉背耳舌如黑者必死背無漿者定亡耳上  
乾枯必敗喉間堆鎖定傷膿若稠堅磨自厚實漿  
嫌清少疣必黑焦脚潤漿堅何患諸變氣虧血欠  
立恐災殃八日之前食少無害十日已後少食須  
防出際通紅莫嫌壯期泄水可惡聲清爲喜聲啞  
難扶假如咬牙當辨寒熱如逢戰慄驗漿有無熱



戰咬牙托熱涼散寒戰際齒補帶溫攻凶逆詳察其兩端治止主持於一定有能知此者則不患名譽之不彰財利之不廣也

又曰觀其耳便知痘出症輕症重聆其聲則知何部痘密痘稀惟見瘡善識心思觀面知身上災殃又如身熱唇焦便知作渴痘苗紅紫必發狂言痘若稀疏先須頭痛形如蠶種初主腰痛面帶白黃曾經吐瀉身如災火必定尿黃蛇蛻一般因熱日半

一齊湧出茱萸一樣連燒二日陸續敷陽痘若潤

澤稀疎定熱三日身涼見點苗若乾枯畧密未滿  
三日帶熱敷瘡頭面痘紅壯脇上必生斑點額腮  
痘陷腰背間多有陷塘白色漿清再出一層小痘  
瘡平頂陷中有小個賊瘡漿不滿充猶恐唇舌齟  
疳落齒如易落切防肢節癰毒流膿靨後眼封  
毒入肝經生翳收期復脹邪留腸胃二經此乃秘  
訣發之必中宗吾法者超乎俗類

驗初發熱時吉凶斷訣

發熱自寅卯時起者是肝經痘也主痘紅潤帶綠頭

面六分背上五分手上四分脚上三分肚上一分  
半輕之症

發熱起於巳午時者心經痘也主痘脚紅頂尖面上  
四分背上三分手足上各二分肚上半分爲上吉  
發熱起於辰戌丑未時者脾經痘也面上不過數粒  
尖圓飽滿黃潤背上只有十多粒手足各有七八  
粒肚上心窩全無此極妙者也

發熱起於申酉時者肺經痘也主痘灰白色面上八  
九分背上七八分手足七分肚上三分險中逆也

發熱起於亥子時者腎經痘也主痘黑陷面上十分背上九分手足八分肚上四分逆也

發熱半朝見點必然先放雷逆就如蠶種相連頭面四肢俱密胸肚地畧疎通痘子不能發出唇翻面腫毒攻又逢口舌尿血神仙妙藥無功

發熱一朝見點必然先放兩宮痘色頭焦脚赤肚脇斑塊血紅先必腰疼肚痛狂言煩躁交攻自然生痰作喘措喉聲啞將終學者宗吾治法保全嬰壽無窮

發熱朝半見點猶嫌先見風宮五粒梅花之樣手背  
品字相同脚上連三串四心胸七八成叢腰間毒  
疔二七陰囊黑色無膿勿以此爲順症莫斷此症  
全凶再費精神飲食隨機用藥成功

發熱兩朝見點必然雲部現踪頭面七分之數手足  
五分之膿背上四分之象胸肚二分之功所喜尖  
圓潤活猶嫌枯黑暗紅

二朝半來見點定然發電便逆見標身頭壯熱和中  
安表助功痘出自然潤活面部稀少地空必要調

元匿裏以防變壞於中

凡小兒發熱呵欠鼻流清涕咳嗽痰涎臉紅唇赤睡中驚撮目澀鼻尖紅手足尖冷耳後有紅筋現者是眞出痘也

凡心脾兩臟並出者主頂帶紫黑色根窠紅半輕半重之症放心勿慮

凡肺肝腎三臟並出者主頂帶黑根窠白乃凶極之兆不治之症

凡痘半日出熱不退主紫黑譫語如見鬼神此宜下

生津譖語者承氣湯治之如不急治則三五日子時必死

凡痘二日未退熱見標者畧有紫紅色則宜前藥宜之或不紫紅宜十解散去其內毒後加四物湯爲主治之如不服藥則五七日午時必死

凡痘日半未退熱就見標形如蠶種隱在肌膚之內須要托出如托不出七日九日辰卯時死

凡痘一日半未退熱見標者如大紅色宜宣之不可亂用下藥如若不治則九日十二日午時死

凡痘三日未退熱見標者紫黑焦陷者須用五味十解散治之或用芩連紫草之類如若不治十三日咬牙寒戰而死

凡痘三日以前出者是實熱或承氣湯十解散或紫葛湯亦可

凡痘三日以後見標者大抵俱虛而實者少也須要看痘下藥或帶灰白或紅點稠密者宜宣可也

凡痘一見先分表裏虛實不可妄以下藥治之如紫紅乾枯飲水如蜜飲茶不止渾身熱不退者急以



清涼解毒之劑如治之不退則成陷伏倒塌不治如身微熱痘色淡白小便清利口氣又冷宜投大補湯一貼若痘均作二三次出則吉

凡痘一熱一齊出稠密內中無黑陷或天庭一片如雲兩臉畧分明一日灌起服藥見效不欬嗽放心治之若有黑陷焦枯及不退熱不滋潤者不治

第一看口唇舌尖

第二看痘粒圓活紅潤地步分明雖多有吉

第三看心窩額上稀乃是吉症

第四看痘無陷頂白如蠟色外黃潤如油色吉  
第五看痘出來頂不焦不紫者吉

碎金賦

羅田萬密齋此乃痘疹之捷徑初學宜熟讀

痘本胎毒俗曰天瘡雖癘氣之傳染實殺機之顯彰  
變遷莫測酷惡難當肌肉潰脫兮若蛇蛻皮龍蛻  
骨精神困頓兮如蚓在灰蟻在湯瘡有疎密兮疏  
者輕而密者重毒有微甚兮微則祥而甚則殃笑  
彼拘於日數者未達遲速之變悲夫惑於鬼神者  
不求醫藥之良

乾坤妙合震巽分張受氣於父兮得陽精而凝結成  
形於母兮賴陰血以培養民多嗜慾氣匪淳龐淫

火熾於衽蓐食穢蓄於膏粱精血稟其毒氣兮甚  
於射罔形體負其殺氣兮險於鋒鋌或謂去其口  
血兮不過脫空之語或謂解其胎毒兮未見抵聖  
之方

五運統於南北兮有大有少六氣分於主客兮曰陰  
曰陽變化各正勝復靡常得其序而氣治兮國無  
疰癘失其序而氣亂兮民有疹瘍應至而不至兮  
其氣徐貴迎之以奪其勢未應至而至者其氣暴  
姑特之以避其強不知此而妄作兮違時者敗能

審此而慎動兮順天者昌

春令溫和而升生夏令暑熱而浮長秋令清涼而降  
收冬令寒冽而沉藏是得四時之正不爲萬物之  
傷冬反煥煖兮勾萌早發春反栗烈兮蟄虫且藏  
夏反清肅兮涼風襲肉秋反蒸溽兮暑汗沾裳若  
此逆氣兮染之者卽成疫癘又有虛風兮中之者  
必致夭傷

受父母之穢毒兮隱於黝僻觸天地之癘氣兮發其  
伏藏自內而出兮布於四體自外而散兮根於五

臟肝主淚而爲水泡肺主涕而作膿囊心則斑而  
且赤脾則疹而又黃腎乃封藏之本變則黑陷之  
象可喜者苗而秀秀而實如鳥之脫距所惡者枯  
而陷陷而伏如虎之負岡

東赤南白西黃北黑各分布而有定春生夏長秋收  
冬藏自流行而無疆初出血點兮紅鮮得生之氣  
次化水液兮白瑩漸長之狀膿成而色黃兮欲收  
之候痂結而色黑兮已藏之象謂腎無證者似去  
冬不能成歲謂黑爲逆者如廢北何以調陽

方其發生兮春夏爲順而秋冬非吉及其收歛兮秋  
冬爲順而春夏不臧應發生而反收歛者謂之陷  
伏應收歛而反發生者謂之瀾洋順者不必治兮  
待其平復逆者不可治兮避其怨謗若逢險症必  
在奇方治不乖方兮險變順而春回幽谷藥不對  
病兮險變逆而火烈崑崙

病似順而反逆兮認之要慣病似逆而反順兮察之  
貴詳似粟堆聚堅硬兮執若磊落而稠密如丹艸  
赤嬌嫩兮不如淡白而老蒼初出現而雨水乍起

發而戴漿膿主成而乾黑囊未滿而萎黃早發先  
萎兮如園林之花蕊暴長遽消兮似溝澗之潦清  
是謂奪命之證休誇折肱之良

輕或變重兮誤服藥而或犯禁忌重或變輕兮得遇  
醫而且善調養蚊迹蚤班兮不旋腫而告變蛇皮  
蚤殼兮惟束手以待亡夾癰夾疹兮癰疹消而足  
喜頂平頂陷兮平陷起而莫惶切戒臨病揮霍最  
宜用藥審詳病有標本兮視急緩以立法藥有補  
瀉兮因虛實而立方



噫嘻兮醫無定法述亂者藥無定方大率賤攻而貴  
補故多喜溫而惡涼設若病遇虛寒兮溫補有効  
假如證屬實熱兮辛香敢嘗辛熱下咽陽之盛者  
必困苦寒入胃陰之盛者乃戕戒汗下於首尾兮  
惡攻之說補脾土以制腎水兮喜補之常不識補  
者之短奚論攻者之長

形尖圓而光壯兮氣之充拓色鮮明而潤澤兮血之  
涵養可以勿藥是謂無恙灰白平陷兮氣血虛而  
補之以溫紅艷焮腫兮氣血熱而瀉之以涼氣至

而血不足兮雖起發而根窠不肥血至而氣不足  
兮雖明潤而郭郭不長泥章句以舉一隅者守株  
安可得兎馳辨說而執兩端者多岐必然亡羊  
脾爲水穀之本固不可以不補腎爲津液之源尤不  
可以不將土雖爲水之防水能制火之亢腎主骨  
髓兮倒陷人於骨髓者莫救腎司閉藏兮變黑至  
於閉藏者可防是皆歸腎之害豈可謂腎之強毒  
火燔灼兮腎水且涸營氣敗壞兮脾土亦傷故補  
脾不如救腎而養陰所以濟陽

炁則氣血淖澤而不飲寒則氣血凝滯而不彰氣血  
失養痘疹受傷或受於熱兮爲煩躁爲赤爲痛或  
受於寒兮爲振慄爲白爲癢順時令之寒暄禁人  
畜之來往勿勸溷廁之臭勿燒檀鬻之香惡寒虛  
而易入反助毒以爲殃痘雖吉而犯多凶屢經怪  
變證雖惡而調治善終見安康

若夫瘡疹之熱相似內外之傷邪火烜赫兮玉石俱  
焚眞水靜順兮波浪不揚噴嚏咳嗽兮肺金流爍  
項急頓悶兮肝木被創阿欠驚悸兮心雖君主而

不寧吐瀉昏睡兮脾則倉廩而不藏各臟各證惟  
腎無象不受穢毒之火獨見耳聾之涼

熱微兮毒少熱甚兮火旺大熱安靜兮毒隨熱出而  
無慮小熱煩躁兮毒與熱伏而可防凶災莫測兮又  
熱又渴輕疎可許兮乍熱乍涼吐瀉勿止兮使毒  
得越而無遏驚悸不定兮恐毒深入而反藏血妄  
洩於空竅兮死期速於彈指語妄涉於鬼神兮變  
候易於返掌

形證定其疎密部位決其存亡如痘紛布兮且顆粒

而其疎已定如麻堆聚兮更模糊而其密堪傷挨  
頰達口兮庚戌陽明之位額間額上兮壬丙太陽  
之鄉頭爲元首之尊最怕蒙頭項乃關津之要偏  
嫌項鎖鼻準初出兮淫毒犯於天根耳輪先現兮  
邪火侵乎玉堂

漸次出兮吉兆齊湧出兮凶狀將出而熱減兮藥勿  
妄服痘正出而熱劇兮醫宜早防解其火毒兮恐  
鬱遏而乾枯養其氣血兮欲流行而舒暢遠寒熱  
之犯兮損之益之而必欲和平助春夏之令兮達

之發之而必使長旺治其未亂兮徹桑土於迨雨  
知其必漸兮戒堅冰於履霜

出欲盡而不留發欲透而齊長苗漸成窠兮氣之所  
煦血漸化水兮血之所養疎而毒少兮頭面不腫  
而休怕密而毒多兮氣血不充而莫荒時日旣足  
兮自翹翹而雜起表裏無邪兮勿汲汲以作湯火  
謂良將用兵善攻不如善守又云上農治田勿助  
生於勿忘

咽喉忽痛兮勿違時而早治頭面預腫兮但引日以

必亡小便欲清兮大便却欲其堅實淡味可食兮  
厚味不可以啖嗜茹淡者胃氣不損養厚者火邪  
益亢或見黑黯兮點之速以臙脂或遇乾枯兮浴  
之貴以水楊癢癢忽生兮取茵陳以薰療爬搔不  
寧兮雖盧扁而徬徨

痘長滿水毒化成漿愛其稠濃兮惡其清淡取其滿  
足兮舍其虛洋欲知透與不透兮於手足而細察  
欲知足與不足兮於輔頰以審詳設四末之未透  
取脾胃而服藥如一方之未足視經絡以求方譬

如爲山兮勿功虧於簣土又如執熱兮寧濯先於  
探湯

面頰最嫌破頂肩背尤怕焦囊腫忽消兮氣脫語忽  
妄兮神亡食穀則嘔兮胃爛飲水則噎兮咽傷咬  
牙兮肝火熾而腎敗寒戰兮陽氣弱而陰強膿反  
乾兮倒陷膿不成兮伏藏叫哭不止兮毒攻腸胃  
悶亂不寧兮火烈膏盲倉廩不藏兮魂魄歸於溟  
漠水泉不止兮姻親泣於北邙

膿血已化收靨相當兆自唇吻兮漿吐結如珠粒斷



自人中兮部分默以意量令行秋冬兮依先後而  
不亂氣應陰陽兮循上下而有常顙上乎輕兮慮  
乎倒顙顙間先收兮謂之不祥痂不著而壅腫兮  
由榮血之淖溢瘡盡裂而皴揭兮此衛氣之殘傷  
當屬不屬當藏不藏便秘不通兮裏氣熱而涼導便  
溇不實兮中氣虛而溫養熱傷皮毛兮怪肺金不  
收餘氣濕傷肌肉兮責脾土不燥殘漿頭瘡堆膿  
不平兮孤陽似燄而不生足瘡包水不乾兮純陰  
如寡而不長飲食減少兮迤邐引日而斃煩熱增

劇兮倏忽絕命而亡

若問痂皮之不脫其間病氣之相妨痘若敗壞兮補  
空痘勿疑番次瘡如潰爛兮成潰膿莫厭膿漿遍  
身浸淫兮粘被席而最苦正面腫灌兮息腥臭而  
再妨利多水液兮此畜水之病也水去盡而自止  
便多膿血兮此倒靨之證也膿去盡而可祥癍痕  
凹凸兮陷者虛而突者實痂皮嫩薄兮裏則困而  
外則瘍

邪氣盡而正復痂皮脫而身康苟幼軀之多病定餘

毒之有藏出或未盡兮無空痘須防卒暴發或未  
透兮無潰膿必發疽瘍不及期兮早收毒火陷而  
可怕或過期兮不靨邪氣留而堪悵身熱審其虛  
羸咽啞觀乎嘔噎勿洒淅而肌熱兮知風寒之外  
感暴吐瀉而腹痛兮必飲食之內傷

病有苦而眩暈兮凶多吉少之占身無邪而昏瞽兮  
否去泰來之象聲音不出兮求諸肺腎之經斑疹  
復現兮責其心脾之藏疳蝕出血者難治洞泄完  
穀者莫醫勿謂痘收而縱弛勿謂毒去而迨遲正

氣浸長而未復邪氣方消而未央特犯禁忌兮今  
卽生變恣食肥甘兮後必有殃

疥癩腐潰兮一面黥瘢而似鬼癰疽流注兮四肢殘  
廢而如疳目腫赤痛兮冷痘入而成翳齒宣黑爛  
兮熱毒浸而潰牀雖曰餘毒之爲害抑皆定數之  
莫防形容頓改兮令人駭愕調治悔遲兮空自惆  
悵謂人不能勝天兮何以立乎醫藥謂醫不如用  
巫兮安能格平穹蒼

但逢此痘之歲多求解毒之方重者必輕兮輕者不

出凶者變吉兮吉者何妨其方則有其效未常與  
其先事而輕妄孰若臨時以消詳審歲氣之災祥  
兮必解其鬱視形氣之勇怯各平其臟欲避癘氣  
傳染兮必先擇地之善欲仗藥力調護兮尤要識  
醫之良

惺惺參蘇乃發散之妙劑

惺惺散  
參蘇散

人參通聖誠疫癘

之奇方

人參敗毒散  
防風通聖散

熱而驚悸兮導赤瀉青兮用

導赤散

熱而焦渴兮柴胡葛根作湯

小柴胡湯  
升麻葛根湯

白利兮黃芩

黃芩芍藥湯

不便兮清涼

四順清涼飲

腹痛毒

攻兮勻氣散再加枳實腰疼病劇兮敗毒散更入

木香調元可補兮表裏實者勿飲調元承氣可攻

兮脾胃弱者莫嘗小承氣湯

養正兮黃耆人參甘草解毒兮連翹山豆牛蒡咽喉

苦痛兮甘桔湯中加大力斑疹夾出兮防風散內

去硝黃

防風通聖散

小便赤澀兮連翹導赤連翹飲大

便滑泄兮豆蔻木香

豆蔻丸木香散

瘡若乾枯兮四物合

平涼隔

四物湯東垣平涼隔

散痘如黑陷兮奪命助以水楊

奪命丹

水湯浴法

赤艷焮腫兮解毒入生黃歸芍

黃連解毒湯

灰白半塌兮異功用桂枝薯防異功散

氣虛而毒盛者無價四君枳實無價散四君子湯血虛而毒

盛者無價四物牛蒡四物湯氣血兩虛兮十全無價

十全大補湯便溺俱阻兮八正三黃八正散再用膽瀉

之法以瀉毒氣之藏黑陷審其虛實虛者大補而

實者涼膈十全大補湯癰塌分其急緩急者異攻

而緩者調陽陳氏異攻散調元湯昏悶譫妄兮龍腦膏

孰知其妙虛煩迷亂兮抱龍丸莫及其良

滿面燥痛兮百花調水百花膏遍身潰爛兮敗草鋪牀

敗草 蟬蛻去目中之膚翳 蟬蛻散 苦參治身上之淫

瘡 苦參丸 虛熱多汗兮調元湯引用浮麥食積常痛

兮脾積丸飲以原湯飢不喜食兮異攻宜久 錢氏異攻

散 渴欲飲水兮白朮可常 白朮散 敗毒通聖丸大衝

陣之先鋒 人參敗毒散 調元異攻信乎殿後之大

員 調元湯 錢氏異攻散

大抵醫要識證藥不執方專行溫補者則宗乎文宗

喜用涼瀉者則師乎仲陽不解其書兮似瞽冥行

於谿徑不察其神兮如矮仰望乎宮墻嘆吾年之



毫分欲深造而力不足懼斯道之晦兮特發明而  
言不章嘔盡心肺兮非欲立異勞費頰舌兮豈敢  
恃長幸取正於具眼徒見笑於大方